

✓
1951
НАУЧНО-ПОПУЛЯРНОЙ МЕДИЦИНСКОЙ
ЛИТЕРАТУРА

А. И. ДОБРОХОТОВА

И Д Е Н Ъ П Е Д И
У Р М А Т

МОРДОВСКИЙ ГОСУДАРСТВЕННЫЙ ИЗДАТЕЛЬСТВО
САРАНСК — 1951



НАУЧНО-ПОПУЛЯРНОЙ МЕДИЦИНСКОЙ
ЛИТЕРАТУРА

Морд. М.

2-1449

Проф. А. И. ДОБРОХОТОВА

И Д Е Н Ъ П Е Д И
У Р М А Т

Рукописта ётаптозе
Г. А. Игнатъев

Обязательный
контрольный
эчземпляр

МОРДОВСКАЯ ГОСУДАРСТВЕННАЯ ИЗДАТЕЛЬСТВА
САРАНСК — 1951

АВТОРТЪ ЭЗДА

„Идень педи урматне“ книгась сѣрматф сембе лувихненди, сембода пяк идь мархта тядятненди. Тя книгаса общайста азонтфт педи урматне и кода синь каршезост эряви тюремс. Тяконь шовор монь мялезель азондомс, мезе эряви тиемс тядятненди-алятненди и педагокненди тя тюремаса.

Азан оцю спасиба лувихненди, кда синь няфтьсазь книгать афсатыксонзон и азсазь эсь мяльсон, мезе нинге эряви книгав сувафтомс. Сембе замечаниятнень зняльдян кучемс тяфтама адресс коре: Москва, Солянка, Институт педиатрии Академии медицинских наук.

Наукань заслуженнай деятельсь
проф. А. И. Доброхотова



ВВЕДЕНИЯ

Идень инфекционной, или педи урмакс, лувондовихть: кшни урмась, коз урмась, дифтериясь, скарлатинась, ветряной оспась, свинкась и дизентериясь. Тяфтама урмаса могут срядемс оцюфневок, но сембода пяк синь мархтост срядихть итне фкя кизоста сявомок кафкса кизос модемс.

Тяда инголе, аф пяк кунара—Великай Октябрьский социалистический революцияда инголе—минь страна-сонк идень педи урмаса срядьсь пяк лама идь. Сембе кулси итнень эзда сембода ламось кулсесь идень педи урматнень эзда, конань коряс оязоронь Россиясь занцесь васенце васттнень эзда фкя васта культурнай странатнень ётка.

Населениять сембода ламонц материальной ширде кальдявста эрямац, культурнай ёмла уровенец, сембода пяк, санитарнай, медицинский лезксть аф улемац—сембось тя лездсь оязоронь Россияса педи урмаса срядькстоматнень распространенияснонды и синь эздост лама идень куломати.

Од советский государствась васень шитненькиге кармасть вятема тюрема сембонь сянть каршес, мездь лездсь педи урмаса срядькстоматненьди и синь эздост куломати.

Советский власть колмогемонь колмува киза вяти тюрема минь странаньконь зряйнзон зрямань материальной условияснон цебяргофтомаснон инкса, синь культурнай уровеньнон кеподемац инкса, странаса культурнай сембе витнень касомаснон инкса, тяка лувксса санитарнайтьке. Кода ошса, стане и велетнень эса советский ломатне питнефтома обеспечендафт медицинский цебяр лезксса. 32 кизотнень пингста, конат ётасть Великай Октябрьский социалистический революцияда меле, минь странасонк строяф пяк лама разнай лечебно-профилактический учреждения: идень консультацият,

поликлиникат, яслят, санаторият, больницят и больни-
цянь отделеният, лофцонь кухнят. Тѣжатть врачт-педи-
аторхт и средняя медицинскяй персонал государствать
средстванзон лангс обеспечендакшнесазь итнень пчкаф-
томаснон, вятихть тюрема, штоба аф нолдамс сярять-
кстома. Здравоохранениянь тяфтама система аш фкявок
капиталистическяй странаса.

Капиталистическяй странатнень государственнай бюд-
жетсост здравоохранениянь тевти ноляви пяк кржа
средства. США-са, кода сонць Трумэн мярьгсь, мил-
лиотт эряйнди ёфси аф макссеви кодамовок медицин-
скяй лезкс.

Советскяй Союзса здравоохранениянь тевти ноля-
вихть пяк лама средстват, конатнень лувкссна кизоста
кизос фалу касы.

Нльне войнаь стака кизотнень советскяй государ-
ствась лувондозе эрявиксонди фалу нолямс сяда ламонь
средства итнень пчкафтомс.

Сяс фашистскяй Германиять каршес тюремать пинг-
ста и войнада мельдень кизотнень, аф ваномок войнаь
стака лятксонзон лангс, минь странасонк ашельхть пе-
ди урмаса лама идень сярядемат, кодапт ульсть капи-
талистическяй странатнень эса.

Социалистическяй строительствань сембе вастртнень
эса советскяй государствась эсь мероприятиязон ётаф-
томаса нежетькшни сонцень ломанензон оцю сознатель-
ностьснон лангс. Ломаттнень тя сознательностьсна тяф-
та жа пяк эряви идень педи урматнень каршес сяда тов
тюремасовок. Эрявикс сатфкст тя тюремаса минь саттама
аньцек эста, мзярда активной участия тя тевса кармайхть
примсема сембе, и васендакиге тядятне-алятне и вос-
питательхне. Тянкса тейст эрявихть содамс эрь урмать
возбудителенза, коста пови педи урмась, кода сон педи
и кодапт условиятне, конат лездыхть урмать виия-
манцты.

ПЕДИ УРМАТНЕНЬ КОЛГА ПОНЯТИЯСЬ

Педи урматнень тиендъсазь микропне и педендихть
синь сяряди идть эзда шумбрати. Микропне нят пяк ёмла-
донга ёмла живой организмат, конат няевихть аньцек
микроскопонь пачк. Эрь педи урмать тисы башка мик-
роб, кона можна няемс, кда выделениятне (курга и
шалхка потмоста навлатне, аксорксь, сюлотнень эзда

выделения тне) или срядить вероц видевьс кодамовок питательнай средас. Тяфта, например, кда минь дифтерияса срядить курга или шалхка потмоса вата пакшкаса сяф-тяма навла, путсаськ тя навлать башка питательнай средас, кона тиф алашань верста, и питательнай средать мархта пробиркать путсаськ лямбе вастс (термостатс), то 12—24 частта меле питательнай средась вельхтяви шуваня плёнкаса, кона тиевьс пяк лама микробонь шачемать эзда. Плёнкать эзда клянцек лангс тиендеви шуваня мазок, кона архневи специальной краскаса. Мзярда архтф мазокть ванондсаськ микроскопонь пачк, то минь няйхтяма характернай шуваня палканят, конат ащикть уголкс. Нят самай дифтериянь возбудительхть. Эрь срядьткстомста возбудительхнень ули выделениянь башка кисна.

Микропфтома педи урма аф эряй. Сембе сяка идть потмос аньцек микробонь повомать эзда аф срядьтксты идсь: идть потмоса могут улемс микропт, но синь аф урмаськофтазь. Тяфта, кой-кона итнень куркстост и шалхкстост навлатнень ваномста мушендовихть дифтерийнай микропт, но ня итне эряйхть шумбрат. Тяфтама явления ти мярьгихть боцилланы каннема, а иттенди—боцилланы каннихть. Няфттяма лия пример. Семьяса, коса ульсь колма идть, васенцесь кшниса срядьткстсь школьниксь, сонь мельганза срядьткстсь сядя ёмла идсь, кона якай детсаду, а инь ёмлась—кафта ковоонесь—лядсь шумбраста. Мес тяфта лиссь? Вдь ашезь лисе жа стане, што кшни урмань возбудительхне кофшта ашесть пов инь ёмла шабать потомос. Шабась ашезь срядьткста сяс, мес сонь организамац тя урмать ашезе прима.

Тяста лисенди, што педи урмать развитиянцы эряви аф аньцек, штоба улель специфический микроб, но штоба тя урмать примальхце и организамац.

Кода идть организамац тиеви тя или тона урмать аф примаькс? Мес идсь—дифтериянь бацилланы каннись—аф срядьтксты, мес кафта ковоонь идсь лядсь шумбраста, а оцю брадонза срядьткстсь? И тя, и тона случайста микропнень ашель вийсна, штоба урмаськафтомс, сяс мес ня итнень версост и теласост ульсь урмалгодомать эзда аралай веществат. Урмань аф примаьсь—иммунитетсь—пяк сложнай биологической явления. Нервной системать влияниянц вельде сонь виияманц

пингста марнек оду тиендеви сембе организмась. Тя перестройкать вельде организмась арай аралафокс урмалгофты микропнень действияснон эзда.

Тя перестройкать колга можна шарьхкодемс иммунитетть реакциянц коряс.

Иммунитетонь теориять тиезе русский учёнайсь И. И. Мечников, кона музе, што жуватань организмав сувафтф микропнень сявондъсазь организмать башка клетканза—фагоциттне. Фагоциттне фатнесазь микропнень и солафнесазь-машфнесазь синь. Тя явлениять Мечников лемдезе фагоцитозкс.

Тяда башка, верть эса могут улемс всякай лацтонь аралай веществат—антигелат: фкя случайста синь лездыхть петьфнемати, омбоцеста—микропнень машфнема-снонды, а колмоце случайста—машфнесазь вреднай веществатнень (токситтнень), конатнень нолясазь микропне. Тяфта, дифтериянь бацилланы каннить верса минь можем мумс антитоксин. Сон машфнесы токсинть, конань нолясазь дифтерийнай бациллатне. Урмать эзда ванфтома веществатне тиендевихть организмаса сярядемать эзда. Синь тиф иммунитетсна лемневи добувафокс. Иттнень мархта шачф иммунитетсь васьфневи иттнень васенце кофнень пингста эрямаса, синь получакшнесазь сонь тядяснон эзда. Тянь вельде синь пцтай аф сярятькшнихть кшниса и скарлатинаса, а лия педи урмаса сярядихть ламода шуроста, сяда одю иттнень коряс. Сяс, вярде азф кафта ковонь иднясь лядсь шумбраста, аф ваномок эцю брадонзон мархта марса эрямать лангс, конат сярядеть кшниса.

Идн्याть мархта шачф иммунитетсь эряй ёфси аф ламос—несколько ковонь ётамс.

Иммунитетсь тяфта жа тиендеви предохранительнай прививкатнень вельде. Сущностьсна предохранительнай прививкатнень ащи сянть эса, што шумбра иттнень телазост сувафнихть вакцинат, конат ащихть шавф или лафчептф урмань возбудителень эзда или машфтф ядста—синь токсинцнон эзда. Прививкатне тиендевихть весть или несколькоксть разнай пингонь ётазь. Синь тиендевихть прививкань тиема материалть сувафтоманц вельде. Тянь вельде организмаса тиеви сатомшка иммунитет, кона ванфтсы ломанть сярятькстомать эзда. Тя иммунитетсь саты фкя кизоста сявомок вете кизотненди модемс, сяс привив-

катне пингонь ётазь сашендовихть тиендемс (дифтериять, дизентериять и лият).

Лифксса сярядемать пингста саты сявок, штоба инголькиге тиф ангорксти нолдамс прививкань тиема материал. Несколька пида меле ангордаф вастть як-стерьгодомац, таргоземац и сый мархта пайгонянь эвондамась няфнесазь, што прививкась тиф цебярьста.

Сатф иммунитетсь аф эрявь ванондомс кода мезевок постоянной, аф полафневи, эряфонь условиятнень эзда аф зависящай. Сон может полафневомс уликс лама условиятнень эзда. Тяфта, иммунитетсь может ёмлалгодомс кальдяв и аф сатомшка питаниять эзда (ярх-цамбяльса аф сатомшка белокта, куюда, витаминда), стакаста сярядемда меле и ст. тов.

Кода педихть урматне. Урмаськодомати инь оцю туфталкс ащи сярядись. Вов мес врачсь, ванондомок сяряди идть, фалу кизефнесы тядяц, ашель ли идсь марса сяряди идень или сяряди оцю ломань мархта мекольдень колма недялятнень. Сон кизефнесы сянкса, штоба идть мельге, кона ульсь марса педи урмаса сярядиень мархта, ладямс башка ваномы и аф нолдамс иттнень ёткс мянь снярс, мзярс аф ётай ся пингсь, конань ётамс может сярятькстомс тя или тона урмаса.

Сярятькстомань источниккс может улемс бациллань каниське. Содаф, што дифтерияса иттне могут сярятькстомс бациллань каннихнень эзда.

Сярядить или бациллань каннить эзда инфекциясь педи шумбра итти всякай лаца. Кшни урмась, дифтериясь, scarлатинась и коз урмась педихть кожфть вельде. Кшняма, козома и корхтама пингть сярядить или бациллань каннить кургста навлань инь ёмлания путь-кскятнень мархта марса лиси пяк лама микроб—урмань срхкафтыть. Ня путьконятне лама пинге эряйхть сярядить или бациллань каннить перьф ащи кожфса. Тя кожфть нилемда меле может сярятькстомс шумбра ломанць. Инфекциясь тяфта жа может педемс предметнень вельде, конатнень токsezень сярядись или бациллань каннись (налхксематнень, посудать и ст. тов). Дизентериять педема кинза лият, конатнень колга минь азсаськ сяда тов.

Педи урматнень молемасна. Педи урмаса сярятькстомать развитияса улихть башка периотт.

Сярятькстома пингста сявомок и сярядемань васенце признакнень эвондамс ётни кяшф или инкубационнай период. Тя периодсь аф фкя лаца, сон ащи сярятькстомать характеронц и идть шумбрашинц состояниязь эзда. Тяфта, кшни урмать пингста сон моли 7 шиста сявомок 3 недялян пингс ся иттнень, конатненди апак тиколь предохранительнай прививка, и 28 шис ся иттнень, конатненди тифоль прививка; скарлатинать пингста—2 шиста сявомок 12 шити модемс, дифтериять пингста—2 шиста сявомок 7 шис модемс, кргань урмать пингста 7 шиста сявомок 14 шис модемс. Лафча иттнень инкубационнай периодсна сяда нюръхкяня, кеме иттнень коряс.

Инкубационнай периодть пингста идень организмаса моли тюрема микропнень мархта, конат повсть организмав и раштайхть тоса. Сяс тя пингть эряви пяконе лездомс организмати сонь тя тюремасонза: тиесм ийти сяда цебяръ условият, ярхцамбьяльть мархта максомс сяда лама витамин, правильнайста организовандамс удомась и ваймамась, сяда лама пинге кирнемс ару кожфса.

Инкубационнай периодта меле моли сярятькстомань признаконь касома периодсь.

Эрь урмать пингста наголь сярятькснихть тя или тона оргатне, кепотьксонди, скарлатинать пингста—нильхксне, кшнитнень пингста—ваймонь тарксема китне. Сембе педи урматнень пингста, тядя башка, сярятьксты марнек сембе организмась, тяди признакокс ащи: эргянь маштомась, псись, идсь аф кармай ярхцама, койкоста эряйхть судоргат и ёжефтома ащема. Ня явление касыхть организмать лангс ядовитай веществатнень (токситнень) действияснон сонедя, конатнень лихнесазь микропне. Общай признакнень эвондамаснон мархта и ушеды урмать развитияц.

Сярядемать признаконзон валом ётамасна, конада меле сяда цебяръста идсь марясы эсь прынц и кармай ярхцама, няфнесазь, што идсь кармась пчкама. Аф ваномок сянь лангс, што идсь цебяръста марясы эсь прынц и пара настроенияц, организмач сонь тя пингть ащи нинге пяк аф кеме состоянияс. Верть ванондомац няфнесы, што изменениятне, конат тиесвь сонь эсонза пяк сярядемать пингста, нинге апак машфтт. Аф шураста эрси, што пчкси идть мельге кальдявста

ваномать сунеда тиендеви лама осложненияйт—восполения тевлафненди, пилетненди, железатненди, сярятьксты седиец и лият. Сяс пчкама пингть эряви цебярьяста ваномс идть состояниязц мельге и всякай лаца пшкотькшнемс санаторнай режимть (эсь пингстонза андомс, эсь пингстонза налхсефтемс и ваймафтомс и ламоныс кирдемс ару кожфса).

Кода эряви тюремс урматнень каршес. Педи урматнень каршес тюремась мольфтеви колма направлениава: 1) эряви кепсемс идень организмать сопротивляемостенц; 2) аф нолямс идсь педи урмаса сярядиень ёткс; 3) аф нолдамс педи урмать келемомац.

Штоба афоль сярятькста идсь педи урмаса, эряви сон цебарьста андомс, правильнайста организовадамс санитарно-гигиенической режимсь, аф эряви лямбоста ашкорямс и цебярьяста мельганза ваномс. Итне, конат потяйхть тядянь лофтца, мезсь ащи тейст инь цебарь пиццакс, сяс мес сонь эсонза сембе эрявикс питательнай веществатне, кржа эздост сяряди педи урмаса. Осал иттне аф сатомшка способнайхть тиемс антителат и пяк сидеста сярятькснихть педи урмаса. Синь сяда кальдявста тонаткшнихть внешней средати. Слабайготф иттненди комнатаса лямбось эряви кирдемс аф 18—20°-да кржа. Тяфта жа оцю значениясна прогулкатнень, помещениятненди сяда сидеста свежай кожфонь нолнемать. Свежай кожфса ламода тѣдья тарксемс ваймость и сяда сидеста полафневихть гасне. Иттне, конат лама пингсон ётафнесазь кожфса, сярядихть сяда шураста и тѣждяняста. Синь сяда эрект, весѣлайхть; синь сяда таза нервной системасна, кона тяфта жа лезды педи урматнень каршес тюремаса. Оцю значенияц правильнай воспитаниять, кона кирди идть эса бодрай и весѣлай настроения. Тяни, мзярда содавсь, што нервной системать пяк оцю влиянияц разнай процеснень лангс, конат молихть организмаса, эряви стреминдамс сянди, штоба эряма вастсь улель спокойнай.

Цебарь условияда башка, конат кепсесазь иттнень общей сопротивлениаснон пели урмати, эряви лездомс эрявикс прививкатнень мархта специфической иммунитетонь тиемати. Пяк эрявикс тевкс, кона аф нолдасыне педи урматнень келемомаснон, ащи сярядихнень эсь пингстот содамасна и больницяв синь путнемасна. Тянь мархта минь сярятькстомать эзда ванфтсаськ лия

иттнень. Тяфта жа эрявихть содамс бацилланы каннихне, явфтомс шумбра иттнень эзда и пчкафтомс синь.

Урмалготф идть больницяв прважамдонза меле эстокиге эряви свежайгофтомс помещенияста кожфсь, коса ульсь срядись, и тиёмс дезинфекция одёжатненди и вещатненди, конатнень мархта сон пользовандась.

ДИФТЕРИЯСЬ

Дифтерия лемсь лиссь „дифтера“ греческая вальт эзда, мезсь значит кувоня. Тя урмать пингста сряди вастнень лангс тиёви кувоня. Сембода сидеста сряди-кснихть курга потмоста, шалхкста, крпапариста навла вастне, но могут срядькстомс и сельмокархне, стирнятнень наружной половой органцнон эзда навла оболочкатне и кедть лангста сряди вастне.

Дифтериять тисы особай палканякс ащи микроб. Сон цебярьста касы питательнай средаса, коса ули алашань тярготьф сыворотка. Сяс срядькстомать и бацилланы каннихнень содамаснон инкса келиста нолясазь тево видемань методть. Дифтериянь бациллатне куватьс аф коськихть и могут ламос эрямс внешней средаса. Тяфта, налхкшста, конань мархта налхкесь дифтерияса сряди идсь, лама шинь ётамс срафневсть дифтерийнай бациллат. Синь машфтомаснон инкса эряви тиёмс цебярь дезинфекция сембе вещатненди и помещенияв, коса эрясь срядись болницяв путомдонза инголе, нолдамс комнатав свежай кожф.

Дифтерияса срядькстомс эряви, штоба шумбра идть организмас повольхть дифтериянь бациллат и штоба улельхть цебярь условият синь раштамаснонды. Сидеста эряй стане, што дифтериянь палканятне, повомок организмав, аф срхкафтыхть срядеда, и ломанць аныцек нурыхкяня пинге ащи бацилланы канникс. Бацилланы канникс могут улемс кода дифтерияса срядьф иттне, стане жа и сят, конатнень организмасна кемоста кирдихть дифтерияса срядькстомать каршес.

Срядькстомань источниккс ащи дифтерияса срядись или бацилланы каннись. Сембода пяк опаснайхть бацилланы канни шумбра ломаттне, сяс мес синь эсь пряснон марясазь ёфси шумбраста и перьфкаст ашихне афи содасазь. Инфекциясь педенди кожфть или предметтнень вельде, конатнень мархта пользовандась срядь-

дись или бацилланы каннись (посудать, нардамать, валхкшнень, книгатнень и ст. тов). Улихть дифтериясы сяряткстомань случайхть лофцть вельде.

Дифтериянь бациллатне, повомок навла оболочкат-ненди, ушедыхть раштама и эсь эздост лихтихть токсин. Токсинть влияниенц вельде гастявихть ткаттне и тиен-девихть серайаза-акша плотнай плёнкат. Таксинць тии аф аныцек плёнкат—сон сувай верти, мезьда меле кеподи температурась, идсь аф кармай ярхчама, кальдявгоды шумбрашиц. Сембода пяк кальдявста действондай дифтериянь токсинць седить и нервной системать лангс. Ульсть стама случайхть, мзярда сяряди идть нильхксоц и курга потмоц ёфси аромкшнень плёнкатнень эзда и эстокиге кулсесь седиеенц и ваймонь тарксема мускулатуранц параличснон эзда.

Дифтериять пингста инкубационнай периодсь моли 2 шиста сявомок 7 шис модемс.

Урмать лоткафтоманц коряс дифтериясь явфневи несколько клинической формас: нильхксонь, кргапарень, шалхконь, сельмонь, половой органонь, кедень, бокононь. Инь опаснайкс ащи нильхксонь (токсической формась), кргапарень и сельмонь дифтериясь.

Нильхксонь дифтериясь — сембода сидеста эряй дифтерия, конань мархта сяряткснихть кода итне, стане и оцюфневок. Сяда сидеста сяряткснихть 3—7 кизоса итне.

Нильхксонь тэждя дифтериять пингста температурась эряй пцтай нормальной, парста марясы эсь прянц. Тэждя дифтериять пингста миндалинатнень лангса эряйхть булавокань прышка налётт.

Стака форматъ пингста нильхксонь и шалхка потмонь ткаттне пяк таргозихть, идсь ваймонц тарксесы стакаста, вельхтявихть налётса миндалинатне, ёмла кяльнясь, ляпе и калгода нёбась, стакаста марясы прянц и кальдявгоды сонь сердечно-сосудной деятельностью. (1-це рис.). Дифтериять стака, или токсической пингстон-



1-це рис. Нильхксонь дифтериясь. Налёттне вельхнесазь ёмла кяльнять, миндалинатнень и кургонь ляпе нёбать.

за идсь лофтана, перьфпяльге ащихнень лангс кодамовок мяль аф шарфни; ичкозде маряви сонь кжназь ваймонь тарксемац; кргац идть таргози, куркстонза кармай мо- лема ламбамаза аф цебярь шине; сидеста шалхкстонза шуди вер мархта жидкость. Нильхксонзон ваномста няевихть сплошной рдазуаза-серай, кой-коста верса су- ваф налётт, конат вельхнесазь миндалинатнень, ёмла кяльнять и ляпе нёбать. Пульссь шави сидеста, темпе- ратурась кепси 38—40°. Минь счастьеязонк, урмать тяф- тама формат эрсихть шуроста. Дифтериять пингста фалу эряйхть башка островкя лаца налётт или тиеви сплош- ной налёт миндалинатнень и кргапарть фталда стенканц лангс, кона аф ётни ляпе нёбати.

Нильхксонь дифтериять пингста аф фалу маряви сярятьф нилемста. Урмать ушедомац можна содамс ань- цек эста, мзярда цебярьста улихть ванфт нильхксне. Вов мес нильхксне эрявихть ванондомс фалу, мзярда идсь марясы прянц стакаста и кеподи температурац.

Дифтериять пингста пяк кальдявгоды седись. Мзяр- да сяряди седиень мышцась, идсь лофташкоды, уксонды, сяряди пекоц, седись келеми, тотнай глухойста и аф правильнойста. Пексь сяряди максотнень оцолгодома- снон сionenа, сяс мес кровообращениясь коли-калады и тьяка пингть стакалгоды максонь капсулать работац.

Седиень мышцатнень напряженияснон сionenа идсь может куломс.

Дифтериять сionenа нервнай системань колсемакс сяда сидеста эряй ляпе нёбань параличсь. Параличти признаковк ащихть—шалхконьбачк корхтамась и ляпия- кшнемась. Идсь, кона сярятькстомозонза сембе звукнень корхнелхцень яснайста и шарьхкодевиства, параличть пингста синь мярьгондсьине шалхконь пачк. Ляпийкшне- мась эвондакшни кргапарти и шалхка потму пищать повоманц сionenа. Сяда тов могут тиевомс паралич сельмонь и пильгонь мышцатненди и стака случайста паралич ваймонь тарксема мышцатненди, кона колсесы, ваймонь тарксемаць.

Кда ваймонь тарксемаць аф лоткай, параличне маш- тыхть ёфси и идсь валом-валом пчкяй. Седиень урмась может кадовомс куломозонза, кода отдышка вишкста якамать и ласькондемать пингста. Нильхксонь дифте- риять лечиндамац моли 3 неделяста сявомок, несколь- ка ковонь модемс.

Кргапарень дифтериясь (истиннай круп) сем-
бода сидеста эряй иттнень эрямань васень 3 кизоснон
пингста. Тя урмаса сярятькстомать пингста васендакиге
кашкоми идть вайгалец и кармай козома, кона похожай
пинень увамать шири. Сяда тов эвондай кжназь ляк-
сема. Тянь пингста мяштть сяда подвижной частенза
стакаста кепсихть. Тя эряй сяс, мес кргапарть и тра-
хеять навла оболочкаснон лангста плёнкась тьянналгофт-
сы ваймонь тарксема трубкать и кожфсь цють ётай
пачканза.

Кргапарень дифтерияса сярядемать стака пингстонза
кожфсь кргапарьге ётни стама стакаста, што идсь мо-
жет ляпиямс, кда эсь пингстонза врачне аф тиихть
тейнза операция. Эряви мярьгомс, што тя сярять-
кстомать ушедоманц сидеста аф шарьхкотькшнесазь тя-
дятне-алятне, и идть каннесазь врачти пяк поздна, мзяр-
да плёнкась вельхнесы аф аньцек трахеянь навлатнень,
но и сяда алува ащи крупной и мелкай бронхнень (ни-
сходящай круп).

Шалхконь дифтериясь васьфневи сембода пяк
ёмла иднятнень эрямань васень кизоснон и может
улемс аф кунара шачф иднятнень. Тя сярятькстомась
можно содамс сянь мархта, што идть шалхкста шуди
веры ведня, сидеста фкя шалхка варястонза. Дифте-
риянь тя формась пцтай фалу эряй аф стака и сонь
пингстонза сярядись прянц марясы парста, но сянкса
урмась может модемс пяк ламос и, меколи, ётамс нильх-
ксонь, кргапарень и лия органонь дифтериякс.

Сельмонь дифтериясь — сярятькстомань пяк
опаснай форма: сонь эздонза можна сокоргодомс. Сель-
монь дифтериять пингста плёнкат тиендевихть сельмо-
кяронь навлатнень оболочкаснон — конъюнктивть лангс,
конань пингста сельмотне таргозихть, мезть сюнeda аш
кода панжемс сельмотне. Сяда тов ня плёнкатне ётайхть
сельмомарть конъюнктиванц лангс, мезть пингста ро-
вицась мутнайгоды и кармай шудема гной. Сельмонь
дифтерияса урмалготкшнихть стакаста сярядемда меле
пяк слабай и осалготф иттне.

Половой органонь дифтерияса сярятькс-
нихть стирнятне и сяда сидеста эряй омбоцеда: иднять
васенда дифтерияса сярятькстыхть нильхксонза или
шалхкоц, коста сон может инфекциять кандомс поло-
вой оргатнень ангорямста навла оболочкать лангс. По-

ловой органонь дифтериять пингста пяк таргозихть половой трватне и тиевихть рдазу налётт синь навля оболочкасон лангс.

Кедень дифтериясь педенди сыяфтф и сяряди вастнненди. Тянь пингста сыяфтф вастне ламос аф пчксихть, синь вельхтяфт серайаза плёнкаса. Тя сярятькстомась можна содамс аныцек эста, мзярда тият бактеорологическяй исследования.

Бокононь дифтериясь эрси аныцек одс шачихнень. Тянь пингста боконти тиеви язва, кона вельхтяви серайаза-рдазу плёнкаса и перьфоц пяк таргози. Шумбрашиц одс шачить пяк кальдявгоды: сон кальдявста потяй и кири сталмоц; сидеста кепси сонь температурац.

Дифтериянь профилактикась. Эпидемиять каршес тюреманы пяк эрявикс меропрятяк ащихть: курококе содамс кодама урмаса сяряди, эстокиге сярядись путомс больницяв и сембе вешатнненди, конат ульсь сярядить перьф, тиёмс дезинфекция. Сярядить мельге якай ломаттнень нильхксстост и шалхксстост эряви сявомс видефкст, штоба содамс боцилланы каннихнень.

Дифтерияса сярятькстомать аф нолдаманц инкса пяк оцо значениясна профилактическяй прививкатнень. Синь тиендъсаз иттнненди, конатнень топодсь кота ковсна и 8 кизоннетнненди модемс. Прививка эряви тиёмс антитоксинца, кона ащи дифтериянь палканянь аф вреднай токсинкс. Прививкат тиендихть колмоксть: васенце и омбоце прививкатнень ётксна должен улемс 3 недялят и омбоцеть и колмоцеть ётксна—4—6 кофт.

Эрявихть тиёмс колмоцьке прививкатне, сяс мес аныцек тяфтама условиятнень пингста вииякшни сярятькстомать каршес организмать тюремац. Тяфтама прививкада меле иммунитетсь ванфтови 3—5 кизот.

Кода эряви лечиндамс и якамс дифтерияса сярядить мельге. Дифтериять лечиндамс улихть пяк вии средстват — противодифтерийнай сыворотка. Сон аноклави алашань верста, конанди ульсь нолдаф дифтериянь токсин. Токсинть нолдамдонза меле алашать организмаса эвондай антитоксин—стама вещества, кона сотнесы и тисы аф вреднайкс токсинть.

Сывороткась сяда цебяръста действондай эста, кда сонь мархтонза сяда курок кармаихть лечиндама сярядить. Тевс поздна нолдаф сывороткати аф машфтовихть

гастяф васттне, конатнень тиезень ни токсинць пукше-
тнень и седить нерванзон эса: идсь может илядомс ся-
ряди седиса и нльне может куломс или тиевомс ваймонь
тарксема мышцанзонды паралич.

Сывороткаса лечиндамда башка, сярядити эряви
максомс полной покой и кирдемс постельса. Больницяса
тя тиендеви тяфта: иттнень, конат эрявихть кирдемс
постельса, путнесазь фкя палатас и латчихть медицин-
ская сестрань постоянной дежурства. Идсь сяда тѣждя-
ста ванфтсы режимть, кона ладяф аф анычек тейнза, а
сембе палатати.

Но анычек ётафтомс тяфтама сярядить общей пала-
тав, коса лия иттне асихть озада и якайхть, сон эсто-
киге коласы эсь режимонц.

СЫВОРОТОЧНОЙ УРМАСЬ

Аф шуроста дифтериять сывороткаса лечиндамад
тии сывороточной урма. Сяда сидеста сывороточной
урмась тиендеви 1—2 недялянъ ётазь сывороткань нол-
дамда меле, сяда шуроста—эстокиге сонь нолдамдонза
меле (эстокигонь реакция). Сывороточной урмати туф-
талкс ащи ся, што ломанть организмав сывороткать
мархта сувафтф чужеродной белок (кона аф свойствен-
ной ломанти). Кода минь азосък ни, што дифтериять
каршес тюремань сывороткась аноклави алашань верста.
Кшнитнень каршес тюремань сывороткать нолдаманц
эзда, кона аноклави ломанень верста, сывороточной
урма аф эряй.

Сывороточной урмать пингста кеподи температурась,
таргозихть ткаттне (таргози шамась), таргозихть же-
лезатне, эвондай сыпь. Сембода пяк характерной сыпь,
конанди мярьгихть крапивница. Нят оцюлмос коре аф
фкя лаца таргозьфт, мярьгат палаксса пидефт. Кой-ко-
ста сыпь эряй оцю пятнакс, кода кшнитнень пингста,
или ёмла пятнакс, кода скарлатинать пингста. Сыворо-
точной сыпь фалу китни. Сывороточной урмать пинг-
ста сяда оцю иттнень могут таргоземс и сярядемс эзне-
сна. Сярядемать пингста идть шумбрашиц пяк каль-
дягоды: сон капризничендай, аварди, кальдявста ярх-
цай. Сывороточной урмась может модемс несколько
частста ушедозь 2—3 недяляс модемс.

Кой-коста, минь паваззонк, пяк шуроста, сывороткань нолдамда меле эстокиге кальдявста кармай работама седись. Тяда башка, сывороточнай урмась кирьфгасы идень организмать сопротивляемостенц и тии цебярь условият разнай осложнениань тиевомати (пильень, железань гнойнай воспольения, тевлавонь воспольения).

Штоба вишкста афоль тиев реакция и сяда тѣждяста моель сывороточнай урмась сыворотка новляви кафксть: васенда 1 см³, а 1—2 частта меле—сембонь лядыть, конань мярьгсь врачсь, но эряви сявомс мяльсся, стака или аф стака урмась. Мекольдень пингть кармасть новляма ламода сяда чистендаф белокнень эзда диафермань сыворотка, кона сяда тѣждялгофтсы сывороточнай урмать.

Кода аныцек звондайхть сывороточнай урмань признакт, эстокиге эряви тердемс врач.

Сывороточнай урмать пингста, мзярда пяк китни сыпсь, кедсь эряви начфнемс ведьмархта шоряф спиртса или одеколонца, а симомс эряви максомс сутямфты средства: бромистай натрий, люминал.

Эзнетнень пяк сярядемаснон пингста максихть пирамидон и аспирин.

КОЗ УРМА

Коз урмась—педи урма. Эряви мярьгомс, што сонь ширезонза сатомшка мяль аф шарфнихть и молихть врачти аныцек эста, мзярда идсь эсь прынц марясы пяк кальдявста. Тяка ёткть идть мельге эсь пингстонза эрявикс режимонь ладямась и мельганза цебярьста ваномась сярядемать могут тѣждялгофтомс.

Коз урмань возбудительсь—палканя лаца микроб, конань эзда пяк лама эряй сярядить аксорксса сярятькстома пингть. Коз урмань палканятне, пяк ёмла каплянтнень мархта марса сяряди иднять ваймонь тарксемстонза и козомстонза, повихть кожфу, а кожфста—повихть шумбра ломанть клдомазонза и ушедыхть раштама. Коса моли тя раштамась, кода эряви апак содак; кода няеви, тейст раштама востокс ащихть трахеянь и бронхонь навла оболочкатне.

Кой-коста коз урмань палканятне лядыхть предметнень лангс, конат ащихть сярядить маласа (налхкшт,

посула, пардама и лият) и меле повихть шумбрати. Сяда сидеста тяфта сяряткснихть ёмла иттне, конат мезе пови сявондихть кургозост.

Коз урмаса может сяряткстомс любовай идсь, кона ашезь сярядь тя урмаса, но сембе сяка иттнень эзда 80 процентсь сяряткснихть вете кизозост модемс.

Ков сяда ёмла идсь, тов сяда стакаста сон сяряди. Коз урмаса сяряди идть организмас тиеви иммунитет.

Коз урмаса сярядись сяда опаснай урмать ушедомстонза. Педема пингсь валом-валом ётай, но сембе сяка сон моли 6—8 неделят сянь лангс ваномок, кодама вииста и сидеста козы.

Кода моли коз урмаса сярядемась и сонь особенностенза. Инкубационнай пингоц коз урмать моли 7—12 ши. Коз урмаса сярядемась идень лия педи урматнень коряс ушеды сяда аф содависта. Кой-коста эвондай аф ламода сузокстомома, градусонь кой-мзара дэянтайс келоди температурась, но ня аф оцю полафтовоматне идть шумбрашиса фалу лядондыхть апак нийхть. Коз урмать васенце признакоц—козсь. Сяряткстома пингть сон аф пяк вишке, но сяда тов сон вишкоми.

Коз урмась можна содамс бактериянь музь. Тянкаса питательнай средати тиендеви видема: коз урмаса сяряди идть кургонц каршес латцеви специальной питательнай среда мархта лапш шаваня (Петри); шаванянь лангс повихть сельгонь путькскат, и синь эздост касыхть коз урмань микропт. Микроскопть пачк ванозь можнат содамс коз урмань палканятне.

Коз урмать пингста верса пяк касы веронь акша шарикнень лувкссна (лейкоцитнень) — пачкотькшни 70 000, нормать коряс 7000—8000 вастс.

Тяфта, аньдек козть, коз урмань палканятнень срафломаснон и сяряткстомать ушедомстокиге верть по-тафтовоманц мархта можна содамс коз урмась.

Мязрда аш сяряткстомань кодамовок лия признакт и аш кода тиемс исследования аксортки и верти—козсь может улемс коз урмати признаковс.

Аф коз урмань козсь может модемс 7—10 шит. Тяда меле идсь кармай козома сяда сидеста и ламос, эвондай закатывания и козсь сяви мучительнай судорожной или спазматической характер.

Спазматическый козсь, или закатывания мархта козсь, ащи козть ламос молеманц эзда, кона сяда тов сембе сяда вишкомкшни. Мзярда идсь ёрай потмозонза сязомс сяда лама кожф, но ваймонь гарксема мышцатнень киремаснон сюнеда кожфсь аф моли и тиеви кожфонь вяшкомать лаца звук, кона лиси тьянналготф варянява. Тяда меле тага тиевихть звук мархта козомань толчокт. Козомась моли мзяровок секундаста сязовзь 1—2 минутас молемс и аделави лама навла мархта туста, таргави аксорксонь лисемаса. Кой-коста приступь пингста идсь уксонды. Ёмла иднятне козомать пингста сенемкшнихть. Фкя кизоса итнень мархта тяфтама приступ эряйхть шураста, но козонь несколько толчокта меле ваймонь тарксемасть лоткаи, синь тиевихть ёфси сенемста и мярьгат кулофт. Сидеста тяфтама приступнень пингста тиевихть судоргат. Тяда меле идсь таргасы ваймонц и валом-валом сай стама состоянияс, кодамса ульсь приступа инголе. Кда козомань тяфтама приступне кармайхть улема сидеста (кой-коста 50-ксть суткати), то идть шумбрашиц сяда кальдявгоды. Тяфтама приступне фалу молихть 1—2 неделят, тяда меле лафчемихть, идсь ушеды правондама. Коз урмас моли средняста 5—6 неделят, но кой-коста моли 2—3 кофт. Тевлавонь восполенияс и туберкулезсь судорожной козома пингть сяда кувалгофтсазь.

Кода вииякшни коз урмань типичнай козсь?

Ваймонь тарксема китнень—кргапарень, трахеянь и бронхань навла оболочкать лангс повомда меле коз урмань палканятне кармайхть раштама и лихтихть токсин, кона тии навла оболочкати восполения. Восполениять сюнеда навла оболочкать лангс нервань петненди тиеви раздражения. Тя раздражениясь моли нервнай волокнатнень кувалмова ваймонь тарксема и козома центрати, кона ащи пря уйса. Ваймонь тарксема и козома центрать раздраженияснон сюнеда тиеви судорожной коз. Сяс мес токсическый веществась, кона явошни коз урмань палканят, тии ламос моли восполения и раздражения нервнай петненди, а синь вельдест и ваймонь тарксема центрати, тиендеви возбуждениянь очаг пря уйти, кона отвечаи и лия возбуждениятнендивок. Например, кда идть мяленц лангс апак ватт шафтыхть или каяфтыхть лангстонза щам—сон тьянди отвечаи козомаса. Кда идсь занямс пяк интереснай налхксемаса

или максомс тейнза кодамовок од предметт, то сон лоткай козомда. Пря уйсонза тиевихть возбуждениянь од очкат, конат кирьфтасазь козомать.

Инголи мярьгондсть идть лечиндаманц инкса полафтомс эряма вастонц—сявомс лия ошс или вели. Основаниякс тянди ульсть идть козоманц киремац од вастса, коса сембе вастсь ийти ульсь одкс.

Козомань приступсь колсесы фкя лаца ваймонь тарксемать, кона обеспечендакшнесы тевлафненди кислородть нормальнайста молеманц и сонь использовандаманц. Козомань приступть пингста идсь сенемгоды и пчкамозонза кедец кармай улема серайаза. Тя няфнесы, што сонь организмсонза аф сатни кислородсь, и идсь аф ламода маряй кислородонь вачаши.

Козомста кровообращениясь колсеви: венознай оцю сосудатнень эзда види седити вер моли афсатомшка, и тиеви застой, а аф шуроста кровоизлияния (сембода сидеста сельмомарть акшенц лангс, кедть ланга). Кда версь аф стане кармай молема пря уйти, то могут улемс стака судоргат. Ков сяда ёмла идсь, тов сяда виихть эрсихть ня колсематне. Сосудатнень лангс коз урмань ядть действиянц и кровообращениять колсеманц сюнеда иттнень таргозихть шамасна и кядьсна-пильгсна.

Козонь приступне кальдявгофтсазь идть шумбрашинц, кона нинге сяда виияй, кда идсь ащи аф спокойнайста и суетиндай. Спокойнайста ащезь и мельгаст правильнайста организовандаф якамать пингста итне арайхть сяда спокойнайкс и сяда кржа козыхть.

Коз урмаса сярядемада меле сембода сидеста тиендеви тевлавонь восполения. Сон может ушедомс валом, кальдявгофтсы идть общай состоянианц и аф ламода кеподи температурац. Опытнай врачсь фалу может содамс тя урмать, мзярда цебярьста кулхкондсыне тевлафнень, мезть пингста маряви лама кжнама и идсь аф кода эряви тарксесы ваймонц. Рентгенонь исследованиясь кемокшнесы диагнозть. Кой-коста воспалениясь ушеды пяк вишкста: температурась кеподи 39—40° модемс, идсь стакаста кармай ляксема, кой-коста пяк сенемгоды, сон кармай капризничандама, аф спокойнайкстоми, мезьдонга аф ярхцай. Ёмла иднятнень тевлавонь восполенияса сярятькстомстост могут улемс судоргат.

Тевлавонь восполениа сярядемаь моли ламос. Общай состояниать цебярьгодома и температурать прамда меле лама пинге нинге идсь кжнай, аф правильна таркесы ваймонц и тевлавонзон эса лядыхть измененят.

Сембода стака последствиякс пневмония мархта коз урмати ащи бронхоэктазиясь (бронхень келемомасна). Аф оцю мешокомякс бронхень келемомасна тиыхть условият сьи аксорксень и микропнень кирдемаснонды. Тя лезды тевлавонь восполениати, и колсесы гаснень правильнойста полафневомасной. Бронхоэктаз мархта итнень кедьсна сенемаза и сурбрысна эчкт, кода барабанонь палканят. Бронхоэктазиясь стака пчкафтомс, и идсь, кона сярядсь коз урмаса, может сембе эряфонц пингста страдандамс тевлавонь хранической воспалениа.

Нинге фкя осложнениа коз урмать пингста—уйть и сонь оболочканзон восполениасна, но сон эрси шураста. Сон эвондакшни кода судоргат, вельси фталу идть пряц, тиеви паралич пилькненди и кяттненди, идсь аф корхтави, сокоргоды и аф фкя лаца тиевихть сельме варятне.

Фалу сембе ня воспалениатне тиендевихть сярядемань 2—3-це декадаста, мзярда идсь пяк козы.

Коз урмась пяк кальдяв влияния тии туберкулёзти. Железань туберкулёзсь или тевлафнень лангса аф оцю очакне могут аф содавомс. Кой-кона тядятне-алятне афи содасазь, што идьсна сяряди туберкулёзса, сяс мес итне цебярьста марясазь эсь пряснои. Коз урмать вишке пингстонза жа, сяда сидеста пчкама пингть, идть кеподи температурац, кальдявста ярхцай, слабайгоды. Рентгенца ваномста мушендови туберкулёз: кой-коста туберкулёзонь инфекциясь пяк вишкста педи сембе оргатненди (милиарнай туберкулёз).

Коз урмать пчкафтомац. Эрь урмать пчкафтомс медицинать мялец мумс стама средства, кона сразу ба лоткафтолезе педи урмать ушедовома вреднай действиязон. Цебярь примеркс тяфтама действия ащи дифтериять каршес тюрема сывороткась, кона тисы ёфси аф вреднайкс дифтериянь ядть. Лия случайнень нолневихть средстват, конат лоткафтсазь микропнень работамасной и эрямасной. Тяфтама средствакс ащихть сульфаниламиднай препаратне и антибиотикне—пени-

циллинць, грамицидинць. Вии и вернайста действондаи средстват коз урмать каршес тюремаса минь мзярс нинге аш. Но тя ёфси аф корхтай сянь колга, што минь аш средстваньке сонь каршезонза тюремс. Содамок коз урмаса сярядемать и шарьхкодемок, мезьса ащи сонь опасностец, минь можем лездомс сяряди организмати, тянкса эряви ти емс цебярь обстановка и тянь мархта тѣждялгофтомс урмать кой-кона проявлениеинзон молемаснон. Коз урмась развивандай валом, а сяс, ков сяда курок сяряди идти улихть тифт сяда цебярь условият, тов сяда тѣждяста кармай молема сярядемась.

Коз урмаса сяряди идть пчкафтомаса сембода эрявикс условиякс ащи—сяда лама пинге кирнемс свежап кожфса. Сярядить нарушандавсь кислородса польвовандамац, комнатаса кальдяв кожфсь, а тя пяк кальдявгофтсы сярядемать молемаиц. Аф стак тядятне-алятне пачфнесазь тейнек, кодама парста действондаи морява, льяйге ламос уендемась и панда ёткаса эрямась. Нильне очень ульцянь кожфсь комнататнень коряс кирди пяк оцю вий. Иттне, конатнень лихнезь ульцяв компатань температурада ёмла температурань пингста (Москуса 12° морозти молемс), розовайгодыхть, аф козыхть, матодовихть; ков сяда ламос синь ащихть свежай кожфса, тов сяда кржа синь эряйхть козопь и судоргань пристуисна. Тевлавонь воспалениясь ёфси аф ащи припятствиякс сяряди идть ульцяса улеманцты, мекланкт, эста сяда тѣждяста ётай тевлавонь воспаленияське.

Тялонь прогулкатнень пингста идсь эряви щамс сядвлямбоста. Кда курок сонь кельмихть пильгонза, то пильгонзонды эряви путомс грелка и идсь ашкодомс одеаласа или мехонь кяскавса.

Комнатав, коса эряй сярядись, фалу эряви новлямс свежай кожф; кда аш вии морост, то форточкась наголь эряви кирдеме панжада. Идень ся учреждениятнень эса, коса сяда цебярьста использовандасазь кожфть, тоса иттне тѣждяста сярядихть коз урмаса.

Сяряди иттне эрявихть налхксефтемс сяда интереснай налхсемаса, конань пингста синь юкснесазь козомда пелемать. Идсь, копа запяф кодамовок запятияса, аф козы.

Тяфта жа пяк важнай идти педагогическый подходсь. Всякай кяжияфнемась—аф правильна отказамс идть мялень пяхкодеманц эзда, или сидеста щамс-карямс, вихца андомс, мекпяли, тядятнень-алятнень нервнай-шисна—сембе тя, содаф, кальдявгофтсы коз урмать молеманц.

Коз урмаса сярядемста тяфта жа оцю значенияц ярхцамбяльть. Козть пингста сидеста идсь уксонды, тянь сюнеда идть потмос аф повихть питательнай вешествов; сяс андомс сон эряви сяда сидеста (5—6-сть 4-ть васте). Ярхцамбяльсь должен улемс аф фкя лаца, танцти, перень сёра и фрукта мархта. Ярхцамбяльти эряви прибавакшнемс С, В, А чистой витамитт. С витаминць (аскорбиновой кислотась) лезды кислородть тевс сяда парста нолдаманцты.

Врачть мярьгоманц коряс успокаивающей лекарстват можнат максомс тяфтапт—бром, люминал; тевлавонь воспаленияць пингста—сульфаниламиднай препаратт и пенициллин. Кой-коста синь цебярьюфнесазь сярядить состоянианц и лездыхть организмати сяськомс стака осложнениать.

Коз урмань профилактикась. Коз урмати васень признакокс аци козсь, конань коряс нинге стака содамс урмась. Сяс козы идсь эряви явфтомс шумбратнень эзда. Козомать лангс фалу эряви ваномс кода инфекциянь сигналонь лангс (гриппть, кшни урмать, крупать, коз урмать). Козы идсь аф эряви новлямс школав, ясляв и лия васте мянь снярс, мзярс аф содави мезьса сон сяряди, явфтома тейнза башка посуда, ванома сонь мельганза, штоба сон афоль шоворькшне шумбра иттнень мархта, явфтомс тейнза налхкш мархта башка ужена.

Коз урмань профилактикаса пяк оцю значенияц карантинань специальной группань и идень учреждениятнень эса козы идень группань организовандамать, коза примсевихть идть стама квартиратнень, общежитиятнень и яслятнень эзда, коса эвондай коз урма. Тяфтами группань организовандамась максы возможность эсь пингстонза явфтомс шумбра иттнень коз урмаса сярядихнень эзда, а сярятькстф иттненди тиемс сяда цебярь условият. Козы идть шумбратнень эзда эсь пингстонза явфтомац тэждялгофтсы сонь сярядеманц и шумбратнень ванфтсыне сярятькстомать эзда.

Вакцинаса коз урмать специфическэй профилактикаци ащи нинге научнай разработкаса. Тевс сембода пяк новляви сывороткась, кона аноклаф оцю ломанень верста. Кда сывороткась сувафтомс сярядить организмас нинге урмалгодомать ушедомста, то сон тѣждялгофтсы сярядемать молеманц.

Мекольдень пингть нинге тевс новляви кода мярьгихть гипериммуннай сыворотка. Сон аноклави ломанень сывороткаста, конатненди тифт предварительнай прививкат коз урмань вакцинаса. Тяфтама ломанень сывороткаць ламода сяда оцю лечебнай вийц, сяс мес сонь эсонза сяда лама защитнай телада. Сонь мярьгондихть новлямс ёмла иднятнень сярядемать эзда ванфтомаснон инкса.

КШНИ УРМАСЬ (КОРСЬ)

Кшни урмась—урмаськодома, конань колга сѣрматф несколько сяда киза тядя инголе. Рузонь сире литературать эзда содаф, што 70-шка кизода тядя инголе Петербургса кшни урмаса сяряди итгнень эзда кулсесь 30-сть сяда лама тяниень пингть коряс.

Апак лотксек и планомернай тюремась кшни урмать каршес миньзонк ушедсь аньцек Великой Октябрьскэй социалистическэй революцияда меле, и тяни сонь эздонза куломась ламода кирсь. Эряви азомс, кда идсь кулы кшни урмать эзда, то тяся фкя лаца муворхт кода тядятне-алятне, стане и врачне. Штоба афоль уле тяфтама случай эрь тядясь, эрь алясь и вообще эрь культурнай ломанць должен содамс, кодама мероприятият эрявихть ётафтомс, штоба аф нолдамс тя сярятъкстомать.

Кода тиеви кшниса сярятъкстомась? Кшнинь возбудителькс ащикть анцяй микроорганизмат, конатненди мярьгихть фильтрующей вируст. Фильтрующей тейст мярьгихть сяс, мес ётайхть фильтрань анцяйна поратнень пачк, конатнень пачк лия микропне аф ётавихть.

Кшни урмань возбудительхне марса анцяй путъкскятнень мархта, конать лисихть сярядить ваймонц тарксемста, корхтамстонза и козомстонза, повихть перфпяльге ащи кожфти и срады келес оцю вастова. Тя няфнесы, што шумбра идсь может сярятъкстомс аф

аньчек сяряди идть эзда. Штоба сярятькстоме шумбра идти саты улемс аф ламос помещенияса, коса ащи кшниса сярядись или васедемс сонь мархтонза коридорса.

Няфттяма пример.

Лена, 5 кизоса, сон якась детсаду, кшниса сярятькстсь сяда меле, мзярда детсадонь лия группаса ульсь кшниса сярятькстомань случай. Группатие ульсь разной помещениыва, но кенкшние ульсь папжадот и кожфть мархта кшнинь микропне могли повомс конатав, коса ульсь Лена.

Ирина, 5 кизоса, сярятькстсь французскяи кялень учительницать пяле, конань цѣрац сярядсь кшниса. Хотя сон ащесь лия комнатаса и стирнясь сонь малазонзонга афи шашнесь, сембе сяка стирнясь сярятькстсь тя комнатаса, коса кожфть эса ульсь кшни урмань лама вируст. Сембе сяка кшни урмань вируссь аф стойкай. Сон кожфса юмай пяк куроц. Саты сявок, аньчек помещениаста лихтемс кшниса сярядить и нолдамс тоза свежай кожф сон арай шумбра иттненди аф опаснайкс.

Тяста лисенди, што урмань педемань источниккс ащи кшниса сярядись. Кизефтемок тядять или идть мельге якaihнень, кинь мархта сярятькстомда инголе васетькшнесь идсь, пцтай фалу эряй, што идсь ульсь стама семьяса или квартираса, коса ульсь кшниса сярядихть. Исключения эряй аньчек ся сярядихнень мархта, конат случайна повсть идь ёткс (поездса, трамвайса, театраса, клубса, магазинца), конатнень сярядемаснон колга тядьясь мезевок ащесь сода.

Сярядить эзда урмась педи сярядемань васень шитненькиге и сыпть эвондамозонза и сыпть пингстонга, лиякс мярьгомс 9—10 шит. Тевлавонь воспалениянь осложнениять пингста сроксь прибавай нинге 3 шис.

Может ли идсь сярятькстомс шумбратнень вельде, конат ульсь кшниса сярядить маласа, или, кода минь корхтатама; колмоце ломанть вельде? Например, может ли сярятькстомс идсь, кда сонь тядяц работан учрежденияса, коса улихть кшниса сярядихть? Кда тядьясь куду тумдонза инголе каясы халатонц, штасыне кядензон и мзяровок пинге ащи свежай кожфса, то идсь кшниса аф сярятьксты. Ульсь стама случайхть, мзярда шумбра идсь сярятькснась ся ломанть эзда, кона работась кшниса сярядиень палатаса и эрясь сяка жа территорияса (медицинскяй сестрась эряй больницать

ваксса, куду якай сяка жа халатсонза, кядензон тяда инголе аф шташендсыне).

Тяфта, кшниса сярятькстомань источникке фалу ащи сярядись. Сяс мес идсь, кона инголи ашезь сяряде, может сяда куроқ сярятькстомс кшниса и кшниса эрь сярядить мархта васедемста сон может сярятькстомс. Содаф, што 100 шумбратнень эзда кшниса сярядихнень мархта васедемста 95 сярятьксни. Штоба сярятькстомс кшниса, кода корхтаф ни, саты ийти аф ламос улемс помещенияса, коса ульсь кшниса сярядись.

Кшниса сярятькстомать молемац. Кшнитнень пингста инкубационнай периодсь ащи предварительнай прививкать эзда и моли 8 шиста сязовзь 28 шис модемс. Прививкась кувалгофтсы инкубационнай пингть. Сембода сидеста урмалгодомась ушеткшни заразиндамда меле 10—12 шинь ётазь.

Инкубационнай периодсь—тя организмаса микробань раштамань период. Сяс тя пингть ийти эрявихть тиемс сяда цебарь условият, вияяфтомс сонь организмца сярятькстомать каршес тюрема. Кшниса сярядить мархта идть васедемдонза меле эстокиге тейнза эряви тиемс предохранительнай прививка; идть ярхцамбаец эряви козякафтомс А и С витаминца (фруктаса, овощаса, скалвайса): пяконя эряви пользовандамс свежай кожфть мархта и эряви ладямс правильной режим, тяза уле лишнай нагрузка.

Аф ваномок сянь лангс, што температурась нормальной и сярядемань аш кодамовок лия признакт, организмаса инкубационнай периодть пингста тиеви лама полафтовома. Синь можнат мумс верть, нервнай системать и лиятнень исследованияснон вельде. Кой-коста урмать признаконза мумс стакат, но тяда меле эвондайхть сонь явнай симптомонза ни. Урмать эвондаманцты васенце сигналкс ащи температурать кеподемац, кой-коста кепси сон 39° модемс. Температурась может куроқ полафневомс. Кепотьф температурась может валгомс и арамс нормальнайкс. Тяда меле тиеви восполения сельмонь и ваймонь тарксема вярде кинь навла оболочкатненди, конат якстерьгодыхть, сельмоқярхне таргозихть, ушедыхть шудема сельмоветть, тиеви сузомома и эвондай коз. Кой-коста козсь эряй грубай, кона лятьфни пинень увама. Тя катарральнай, или продромальной, период. Сон моли 3—5 шит и аделави

кшнить пингста эряй Филатовонь-Капликонь пятнань эвондамаса. Нят пяк нежной аф оцю акша пятнанят, конат тиендевихть щёкатнень и трватнень эса якстерьготф навла оболочкатнень лангс, кода бта сонь лангозонза пелезь почетф маннай крупа.

Филатовонь-Капликонь пятнаснон улемаснон пингста врачсь содасы, што идсь сярятькстьс кшниса, эста кда лия признаке (сузомомась, козсь и конъюнктивитьс) могут улемс и лия урмалгодоматнень пингстонга.

Продромальнойда меле ушеды сыпонь тиевома периодсь. Кшнитнень пингста сыпсь эряй пятнань-пятна, кона аф ламода кеподи кедть эзда. Ня пятнатне могут улемс фкя-фкянь эзда башка; кой-коста синь эряйхть сплошнойхть и тиеви узор мархта сыпь. Кшни урмань сыпти пяк характернай ся, што сон эвондай лофтана кедть лангс. Нльне эста, мзярда сыпсь эряй сплошной, фалу можна мумс кедть лангса ёфси лофтана васта. Сонць жа сыпсь кой-коста сенштади. Сыпть лисемаса ули строгой последовательность: васенда сыпсь лиси пиле фталхненди, сяда меле шамати, мяштити, копорти, кяттненди, пекти и пылькненди, валги, тяфта, вярде алу. Сыпть лисемац фалу моли 4—5 шит. Тя пингть срядить состоянияз фалу кальдявоткшни: температурац кепси 39—40° и тяфта эряй фалу. Идть аф сай ярхцамац и ащи пяк стака состоянияса. „Ащи, кода пласт“—тяфта фалу азонткшнесазь тядятне срядихнень состоянияснон. Сяда оцю иттне азондсазь, што синь пяк срядихть прясна, аф шуроста эряй стане, што аф мяляфтсы мезе корхтай, эряй мучительнай сиде коз. Сяда од иттнень мархта тяда башка нинге аф шуроста эряй писькозема. Сыпонь лисемать пингста идть сельмонза эряйхть якстерьхть, мянтьфт, сыпть эзда шамац аф ламода таргози и сёрмав, шалхкоц дяшкотьф сыи навласа, шамац аф весёлай.

Тевлафнень исследованияснон пингста наголь можна мумс коське и летьке кжнамат, конат няфнесазь, што кшнитнень пингста срядихть тевлафневок. Рентгенологическяй серийнай исследованияитне кемокснесазь клинический даннайхнень. Снимкатнень эса минь мушенттама, што тевлафнень и бронхнень структурасна полафтсть и таргозсть бронхаць железатне. Ков сяда ёмла идсь, тов сяда оцюфт ня полафтовоматне. Синь валом-валом могут юамс и аф кадыхть тевлафненди воспалениянь

очакт, а лияста жа может тиевомс стакаста мџли вос-
паления. Ослажнениянь тиевомаса сембода опаснайкс
эряйхть сыпоть лисема периодсь и сыпть эвондамдонза
мельдень васень шитне.

Сыпсь лофташководы сяка жа порядкаса, кода эвон-
дай, лиякс мярьгомс вярде алу. Кой-коста можна ня-
емс коричневай оттенка мархта лофташкотф и полафтф
тюсса сып (пигментация) шамать и ронгть эса и све-
жай, яркай—пилькнень эса. Пигментациясь может кир-
демс сяда ламос, кда кальдяв идть состоянияз. Таза
иттнень сон ётни сяда курок, стака осложнения марх-
та тащойготфнень эса кирди сяда ламос. Ронгть лангса
пигментациять пингста может улемс сифонькс лаца пяк
ёмла шелушения.

Сыпть лисеманц аделавоманц мархта фкя пингть ки-
ри температурась, и кда аш осложнения, идсь ушеды
правондама.

Пчкама пингсь. Кшни урмада меле идть шири
эряви шарфтомс сяда оцю мяль и забота, кода идть
маластонь ломанензонды, а стане и идень учреждениянь
медицинский работникнendi. Температурать ёмлалгодо-
мац и кшнитнень пингста типичнай признакнень машто-
масна нинге аф корхтайхть сянь колга, што организмась
марнек кемокстась и сонь лангозонза аф тии кодамо-
вок влияния перьфпяльть нльне аф оцю полафтовомач.
Аф весть сашендови ванондомс, кода идть, конань тя-
дязон-альязон эняльдемаснон коряс заразиндама пингть
ётамдонза меле нолдаф больницяста, эвондайхть разнай
осложненият, сяс мес полафтсь и кальдявгодсь режимсь.

Кшниса сярядемась пяк лафчептсы организмать тю-
реманц лия педи урматнень каршес. Аф шураста эряй,
што кшнида меле идсь сярятъксты скарлатинаса, дифте-
рияса, дизентерияса. Педи урмаса может сярятъкстомс
сяряди идть мархта нльне нюръхкяня пингонь васедем-
ста. Кой-кона случайста эряви арьсемс, што идсь ся-
рятъкстомда инголе ульсь тяфгама инфекциянь микро-
бань канник и аньцек кшниса сярядемда меле бациллхне
урмаськофтозь сонь.

Пяк сидеста эряй, што кшнитне виилгофтсазь ту-
беркулёзть кона кшниса сярядемда меле урмаськофтсыне
сембе оргаттнень.

Кшнитнень осложнениясна. Кшни урмада
меле сембода опаснай осложнениякс ащи тевлавонь

досполненнясь (пневмоніясь). Тянь пингста пяк сяр-
ихть бронхне, тядя меле тиевихть аф оцю очакт тев-
лафнень лангс. Кой-коста ня очакне арсихть сплошнойкс
и кармаихть сярядема сембе тевлафне.

Тевлафнень сярядемаснон пингста фалу колсеви вай-
монь тарксемасть. Сярядити тиеви одышка (сидеста
кармай тарксемонза ваймонц), цианоз (синюха), вишко-
ми козьс и кеподи температурась. Ваймонь тарксемада
башка, можна содамс идть шалхка варянянзон кепсе-
маснон коряс, што сонь одышка.

Кда пневмониять аф лечиндамс, то бронхнень эса
могут тиевомс кяскавня лаца келемомат (бронхоэкта-
зия). Ня кяскавнятненди пуроми навла и бактерият,
конат лездыхть тевлавонь воспаленияи. Бранхоэкта-
зиять пингста сярядити тиеви хранической воспаленія,
кона пингонь-пингонь тии стака обостреният. Бронхоэк-
тазиянь фкя признаковкс ащи, конань может няемс эрь ло-
манць, тя таргозихть кядь сурпратне, сить тиевихть сяс,
мес сурпратненди пуроми лама вер, конань эса афса-
томшка кислородта. Кшнида меле аф шуроста пилет-
ненди тиендеви гнойнай воспаления (отит). Ся-
да оцю итне точнайста азонкшнесазь пилетнень
сярядемаснон, ёмла иднятнень тя сярядемась можна
васенда шарьхкодемс аныцек сянь коряс, што кеподи
температурац, пяк беспокоиндай и аварди; кой-коста сить
пяк вишкста шарфнесазь кафта пяди пряснон, кода бта
мяльсна тянь мархта лоткафтомс сярядемать. Тядясь,
кона парста ваны иденц мельге, может лездомс врачти
содамс урмать. Пилетнень кода эряви ваномасна максы
возможность точнайста содамс урмать.

Нинге эряви азомс курга потмонь чавла оболочкать
воспалениянц (стоматитть) колга. Стоматитти васень
признакоке ащи ся, што идсь ярхцама ушедомста аварди
и сяда тов отказай ярхцамбьяльть эзда. Кяльть лангс-
ста и курга потмоста навла оболочкать лапгс лисьф
язванятне и пишать поремста и нилемста пяк сярядихть.
Сяда стакаста сярядемань случаяста идть шудихть сель-
гонза и кургстонза лиси аф декарь шине.

Кшниса сярятькстомати аф нолдамац.
Кшниса сярятькстомати источниккс ащи кшниса сяр-
дись. Сяс кшнитнень каршес тюремань основной меро-
приятяккс ащи—шумбра итнень аф новлямс сярядих-

нень ёткс. Тя тѣждя ётафтомс эряфс, кда тядятне-алятне сатомшка мяль кармайхть шарфнема педи урматнень каршес тюреманы аф оцю требованиягнень шири. Эрь тядяти эряви шарьхкодемс, што няк сяряди идсь эряви няфгемс врачти кудса и сонь разрешенияф-томонза сярядить малас аф нолдамс лия итть. Кда врачсь содасы, што идсь сярятькесть кшниса, то кварта-тира кенкшть уша ширезонза тьяштемс эрявикс извеще-ния, штоба лиянь итть афольхть сувсе тя квартирав. Тяда башка сярятькстомать колга эряви пачфгемс куля идень учрежденияв, конаны эзда сашендсть сяряди идть ваномы и квартираста сембе эряпхненди, штоба синь эсь пинггост тифтельхть идьснонды прививкат, конат ашеть сярядь кшниса, и пингонь ётамс аф нолдамс ня иттнень идень учрежденияв.

Кда марнек пяшкотькшнемс азф требованиягнень, то кшниса сярятькстомась можна аф нолдамс.

Общай мероприятияада башка, эряви ётафтомс специфическая профилактика—кшнитнень каршес тюре-мань прививкат. Кунаркиге ульсь содаф, што итне, конат сярядсть кшниса, оду аф сярятькстыхть тя ур-маса, хотя синь и васетькшнихть кшниса сяряди марх-та. Кшниса аф сярятькснихть ёмла иднятне шачемдост меле васень кофнень, кда синь тядясна сярядсь кшни-са. Тяфта, васенце случайста урмась аф педи (иммуни-тет) сяс, мес сярядсь ни тяфтама урмаса, омбоцеста—иммунитетсь ётти тядяль эзда. Кафцьке случайста им-мунитетти псточникокс ащи противомикробнай вещест-вась (антителась), кона араласы организмать кшни урмань микробатнень урмаськофтома действияснон эзда. Сяс мес тяфтама аралай свойствань канникс ащикхть верть шонгар частенц бело конза, тянкса и сонь эз-донза кармасть тиендема сыворотка. Кда версь каямс приборкас и кадомс сонь аф ламос ащема, то сон тьярьгоди, потмаксти озайхть шобда тустг, а вяри ляды ёфси ару житкость. Тя и ули сыворотка. Сонь тиендь-сазь оцю ломанень верста, конат сярядсть кшниса. Кда нолдамс 30—60 см³ тя сывороткаты эзда иттненди, конат инголи ашеть сярядь кшниса и тьяни заразин-давьсть, то синь ёфси аф сярятькснихть кшниса или сяр-рядихть пяк тѣждяста—аньцек 3—4 шит. Прививкаты успехонза ащикхть сянэ эзда, мзярс шумбра идсь ащесь марса сярядить мархта, мзяра кизонза сонь и, глав-

найсь, курок ли срятыкстомда меле идти нолдаф сывороткась. Сывороткаты действиянц колга няфттыма кафта примерхт.

Колма кизоса М. Валять тядяц случайна сувась мархтонза ялганц комнатав, конань цѣрац срядьсь кшни-са. Содамок срядемать колга, тядяц эстокиге сявозе меки Валять. Омбоце шиня тейнза нолдасть 30 см³ сыворотка, и сон ашезь срятыкста. Кшнитнень каршес прививкась тифоль пяк курок; тяда башка, Валясь ёфси аф ламос ашезь заразиндаф помещенияса.

Вете кизоса П. Женясь срятыкстсь скарлатинаса и путозь сонь больницяв. Тяка жа отделенияв ульсь при-маф кафта кизоса Л. Васясь, кона срятыкстсь скарлатинаса поездса. Больницяса ащемстонза котоце шиня Васяць эзда мусть нинге кшни урма. Идсь мольсь поездса кафта недяляда ламос и, кода няеви, кенерсь сон тоса срятыкстомс кшнисонга, конань колга тядяц афи содась. Женясь ашезь Васяць мархта марса не-сколька ши, мзярс сонь эсонза ашельхть кшни урмань явнай признакт и сон катфоль тозк. Кшниса срядить мархта марса ламос улемать и скарлатинаса срятык-стомат сьнеда Женяти ульсь нолдаф 60 см³ сыворот-ка, тяда меле стирнясь срятыкстсь кшниса и ётась пяк тѣждяста.

Кшнитнень каршесь тюремань сывороткань каямать вельде идть организамац получай иммунитет, кона дей-ствондай 30 шис модемс.

Сывороткань тиема материалкс ащи донорхнень версна и плацентарнай версь (версь, кона кочкаф идень вастста).

Обязательна эряви тиемс прививка сембе иттненди, конатненди топодсь 3 кофт и 4 кизос модемс, а сряди иттненди — и сяда лама кизосотненди. Идень учрежде-ниятнень эса кшнитнень каршес тюремань сыворотка новляйхть иттненди 7 кизозост модемс. Сывороткань нол-дамась, салмокса сялгомать пингста срядемда башка, кодамовок лия срядема аф тии. Итне, конатненди ульсь тиф прививка, кшниса срядихть сяда тѣждяста, мезть вельде тя стака урмась, кона лама кизот кулоф-несь ламонь идь, юмафтозе сонцень грозной харак-теронц.

Эряви сатомс сянь, штоба кшнитнень эзда афоль ку-ла фьявок идь.

Кшниса сярядихнень пчкафтомасна и синь мельгаст якамась. Тядятнень-алятнень ламосна пелихть, шоба аф простудиндафтомс идьснон, кяшсазь ши валдть эзда, лувондсазь, што сон идняти тии вред, кона сяряди конъюнктивитса.

Сяс кшниса сярядить сидеста кирдьсазь комнатаса, коза аф новляйхть свежай кожф. А штоба афоль уле осложнения пневмонияса кшниса сярядить комнатасяда сидеста эряви новлямс свежай кожф: шивалдсь и помещенияв свежай кожфонь новлямась пяк кирьфнесазь микробонь. лувксть, конат эряйхть кожфса. Кшниса сярядись должен ащемс валда комнатаса. Комнатать, коса кизонда эряй сярядись, вальманза эрявихть кирдемс панжада или сярядись эряви кирдемс ушеса. Тялонда комнатав свежай кожф эряви новлямс несколькоксть. Кда идть цебярняста ашкодомс-вельхтямс, то сон аф кельми, кельме кожфть нилендемац аньцек цебарьгофтсы ваймонь тарксемать и виияфтсы тевлафненди кислородть молеманц.

Кшниса сярядись эряви андомс лофцонь и овощань легкой пищада, конатнень эса сатомшка сахарда и витаминда, кода скалвайсь и фруктатне. Сельмонза эрявихть цебярняста шнимс лакафтф ведьса и шалхка потмоц урятцемс ватань помаланяса. Мзярда шалхка потмоса тиевихть кеднят, конат стакалгофнесазь ваймонь тарксемать, васенда эряви вадемс вазелиновой вайса.

Кшни урмань осложнениясть нингста (тевлафнень воспалениясна, билетнень сыяфтомасна, курга навлатнень сярятъкстомасна) сатфкс мархта новлявихть тевс сульфамиднай препаратне и пенициллинць. Сембе сяка сембе ня средстватне тиендихть цебарь действия аньцек эста, кода синь макссесазь эсь пингстост и мзяра эряви. Аф тяфта тиезь может лисемс мекланкт: кда максат аф сатомшка лекарствада, микропне тейст тондыхть и сяда тов кармайт эряма нльне сатомшка лекарствань максомать пингстонга. Сяс мзярдонга аф эряви максомс лекарства врачть апак кизефтть.

КРАСНУХАСЬ

Краснухась—урма, кона пяк шары кшниса сярядемать шири, но моли ламода сяда теждяста. Краснухань возбудителькс ащи фильтрующей вирусонь группатнень

езда микробсь (ванк кшнитнень). Краснухать пингста инкубационнай пингсь моли 10—23 ши. Сярятькстомась ушеды телать лангс ёмла пятнаня мархта сыпось лисемаса, кона шары кшни урмань сыпть шири. Но краснухать пингста сыпсь сяда мелкай, сыпсь лиси сразу сембе телать лангс и сембода пяк кяттнень эзда телась, пилькнень ингольде ширеснон и ягодицать лангс. Копортъ мяштть и пекть лангс сыпт может афи улемс. Краснухать пингста пяк таргозихть сялдазонь железатне. Кой-коста сыпось лисемать пингста эряй аф'оцко коз и сузокстома. Филатовонь пятнат, конаг лисендихть кшнитнень пингста, аф эряйхть. Температурась 38° вярн аф кеиси. Краснухась фалу ётнн тѣждяста и ётнн апак лечиндак. Идсь прянц марясы цебярьста и постельс можна сон афи матнемс.

Краснуха сяряди идсь аф эряви новлямс шумбра иттнень ёткс 5 шинь ётамс.

Мзярда краснухась эряй скарлатинать. дифтериять и лия урматнень мархта фкя пингть, эста сон может кальдявгофтомс основной урмать молеманц.

СКАРЛАТИНАСЬ

Скарлатина лемсь лись итальянскяй „скарлатто“ валста—багровой. Сярятькстомать пингста сярядить телат сыпть эзда якстергоды, кода кумаць.

Скарлатинаса сярядихть ашьце иттне; сембода сидеста сонь мархтонза сярядихть 3—8 кизоста иттне. Иттненди, конат сярядеть скарлатинаса тиеви иммунитет. Скарлатинаса оду сярятькснихть пяк шуроста.

Сярятькстомань источниккс васендакиге аци сярядись. или ся идсь, кона аф кунара сярядеть скарлатинаса. Иттне могуг сярятькстоме бациллань каннихень эзда. Ули сярятькстомань тяфтама случай, мзярда иттне рамасть крем мархта булкат фкя магазинца. Лиссь, што работникть, кона булкатненди путнесь крем, семьясонза ульсь скарлатинаса сяряди и сонцьке ульсь бациллань канникс.

Сембе вешатнень эса, конатнень токsezень сярядись, могут улемс скарлатинань возбудительхть. Штоба аф кандомс скарлатинать идень учрежденияв, иттне, конат марсолхть скарлатинаса сярядить мархта эрявихть кирдемс кудса 12 шинь ётамс.

Кода моли скарлатинаса сярядемась. Скарлатинать инкубационнай пингоц моли 2—12 ши. Тя пяк каварнай урмась. Васенда тѣжда, скарлатинась 2—3-це недялятнень может тиёмс лама стакаста сярядемат. Вов мес врачненди инголькиге аф содави сярядемать молемац.

Кой-коста скарлатинаса сярятькстомань шарьхкодеви признакс аци идть настроениянц кальдягодамац: сон ушеды капризничендама, аф налхкси. Тяфтама настроениясь эряй аф ламос. Тяда меле кеподи температурац, кармай уксондома и эвондайхть урмать сембе симптомонза. Сембода характернайкс тя урмати ащихть пись, сысь и нильхкснень сярятькстомасна (ангинась).

Скарлатинань сысь аф фкя лаца кшни ураманнеть мархта. Кшни урмань сысь ащи пятнань пятна, койкона вастса кепотьф, кона пяк парста няеви кетть акша тусонц эса. Скарлатинать пингста сембе кедсь розовой, и сонь ланганза срафтфг тусонц коряс сяда валда, маконь видьмоняшка сысь, кой-коста кедть лангста синякнень лаот. Сыпта сембода лама эряй мяштть, копоргь, кяттнень, бедратнень лангса, сяс корхтайхть: „Сысь лиссь панарняк“. Щёканза сярядить якстерьхть, улоц и вярде трвац лофтанат. Васенце шитнень кялец вельхтяф; 3—4-це шиня кяльсь арай якстерязя низиенень тусса.

Нилема кяльнясь, дужокне и миндалиттне арайхть валда якстерь тусса— „толкс ащи нильхкссь“. Тя якстерь-годомась может тиёмс пяк оцю сярятьф нилемста. Температурась ащи сянъ эзда, кодама стакаста сяряди идсь, сон эряй 37,5° сявомок 40° молемс. 7—8-це шиня температурьсь фалу валгонды нормати, сысь юмай и сембе телась ушеды кедь каяма. Сембода пяк характернай кедень каямась кядь и пильге сурхнень эса. Кенчнень кувалмос кедть лазовоманц эзда васенда тиеви аф оцю акша каймоня, кода бта кедть вярде слоец (эпидермиссь) керф оржа пеельняса. Тяда меле слойсь яви пластон-пласт, и сурбетне, конатнень валгсь сире кедьсна, эпидемисть сяда грубай слоец, тиевихть шобда-розовайкс, пиндолдыкс. Кядь лапатнень лангса и пильгала кедень каямась сяда вишке. Сон моли 30—40 ши. Тянь эзда сярядись аф марий мезевок кальдяв; идсь фалу сонць старандай валхнемс явф кедть.

3. А. И. Доброхотова.



Кой-коста скарлатинаса сяряткстомасень васда аф содави: температурась кепси аньцек 37° десятай мархта; сыпсь, пяк лофтана и кржа, эряй аньцек несколько част; ангинась цють няеви. Идсь эсь прянц марясы



3-це рис. Скарлатинанть пингста сурхнень кедь каямасна.

дебарьста и мезенге лангс аф пеняцый. Скарлатинанть тьяфтама кяшф формась пяк кальдяв; васенцесь, сон лядонды апак содак, и срядись, васетькшнемок лия итнень мархта, урмаськофнесыне синь; омбоцесь, скарлатинанть кяшф формась может тиэмс стака осложненияят (пичемарьхненди и лиянди.)

Скарлатинанть осложненияятнень периодсна. Скарлатинанть васенце признакнень машфтомдост меле (температурать, сыпть, ангинаць) сяряткстомань 2—3-це недялять могут улемс осложненияят. Синь ётнихть аф фкя лаца и ашихть сянть эзда, мзяра кизоса идсь, кодамоль шумбрашиц скарлатинаса сяряткстомда инголе и, мекпяли, ся условиятнень эзда, кодамса ащи идсь срядемать пингста.

Сембода сидеста эряй осложненияякс ащи лимфатическый железатнень воспалениясна (лимфаденитсь), кучка пилеть воспаленияц (отитсь), седиень сосудатнень растройствасна, пичемарьхнень воспалениясна (нефритсь), сыпть и ангинаць рецидивсна, тевлафнень воспалениясна и ст. тов. Отитса и пневмонияса сембода пяк сярячнихть ёмла иднятне, нефритса и седиень урмаса школьной возрастонь итне. Пичемарень воспале-

нениясь (нефритсь) может улемс скарлатинаса инь тѣждяста срядемать пингстонга.

Васенце признакокс тейнза ащи сельмокярхнень шобдавань аф ламода таргоземасна. Кда идти эстокиге аф ули максф эрявикс лезкс, то таргози сонь сембе шамац и пильгонза, а сядя меле сембе телацка.

Пичемарень виинь воспалениять пингста мочась кармай улемс якстерь, и кой-коста, мзярда ётксонза лама верда,—веронь тюсса. Тѣждя нефритть пингста мочать туюсоц пцтай аф полафтови, но кда сон лакафтомс или прибавамс ёткзонза эрявикс реактивть, то можна мумс белок, а кда озафксне ваномс микраскопоть пачк, то можна эздонза няемс веронь акша и якстерь теланят и цилиндрат. Тяка пингть и седиень сосудань системась-ке работай аф нормальнойста. Кровянной давленийсь сядя оцю, сидить границанза келемфт, сидись работай аф стане, кода эряви. Кда ванфтомс постелень и диэтонь правильной режим, то пичемарень воспалениясь фалу моли 3—6 недаялят и идсь ёфси пчкйа. Кда нефритсь ляды апак содак и срядись аф пшакотькшнесы эрявикс режимть, то срядемась может аделавомс уремияса или ётай храническый формас.

Уремиясь тиеви пичемарьхнень функцияснон стакаста срядемаснон и верти белокть полафтома продуктань пуромомать и лиянь сюнеда, конат лисихть мочать мархта. Верти тя продуктатнень пуромомасна, конат вреднайхть организмати, тиихть отравления. Кармай пяк срядема идть пряц, кармай уксондома, ушедыхть судоргат, срядить машты ёжец, пцтай марнек лоткай мочань лисемась. Уремияса срядись курокоме эряви путомс больницяв.

Пилень гнойнай воспаления сембода пяк эряй ёфси ёмла иднятнень. Тевлавонь восполненияса инь сидеста срядихть ся иттне, конат скарлатинаса срядьткстомда инголе аф кунара срядсть кшниса, коз урмаса и гриппса, лиякс мярьгомс стама урмаса, конатнень пингста срядихть ваймонь тарксема китне.

Скарлатинада меле сембе осложненияйтне больницяса ётнихть ламода сядя тѣждяста кудса ащемать коряс, сяс мес больницяса синь мушендовихть кодак эвондайхть и эстокиге кармайхть лечиндамост.

Иттнень мельге цебарьста ваномась, палатать парьяста вентиляцияц, пчкси иттнень одс сайхнень эзда

башка кирдемасна аф нолдасазь осложнениянь тиевомать. Оцю значения кирди идть настроенияц и сонь нервной системанц состоянияц. Кда идсь кармай таколдома куду, аварди, кальдявста ярхцай и аф уды, то врачсь срядить тядянци ты может максомс разрешения лядомс больницяв иденц мельге ваномс.

Ревматизмать мархта скарлатинать сотксонза. Скарлатинаса срядемать пингста кой-коста эрявихть ревматизмань приступт. Температурать кеподеманц мархта фка пингть пяк срядихть эзнетне, верть эса тиендевихть полафневомат, конат няфнесазь воспалительной процессть. Кой-коста седитиге тиевихть полафтовомат.

Скарлатинать пингста ревматизмань вииямань возможностьть шири лама кизот тяде инголе шарфнесь мяль советскяй учёнайсь Молчанов. Сяда товолдонь наблюдениятне кемокстазь сонь мяленц.

Скарлатинать пингста сидеста тиендевихть полафтовомат седиень сосудань системати, келеми седись, лиякс арай сонь тотнамац, эвондайхть шумнамат; но ня полафтовоматне лият и ревматизмать мархта мезевок общайсна аш. Сембе сяка, штоба марнек машфтомс ревматизмать, седить эса полафтовоматнень мумда меле эряви цебарняста ваномс срядись и лама пинге кирдемс сонь врачнень наблюденияснон ала.

Мзярда можна лувомс, што идсь ёфси пчкяь скарлатинаса срядемда и эздонза кивок аф срядьксты?

Аф сембе итне фкя и сяка срукста, пчкяйхть. Койкона итне скарлатинать ётафнесазь кодамовок ослажненияфтома, и сембе синь органцна курук тиевихть нормальнаяста. Иттнень сембода ламоснонды 30—40 ши больницяса ащемась может улемс сатомшка срукоск, штоба идсь ёфси пчкяль. Сембе сяка нльне госпитальста лисемда меле может тиевомс осложнения — воспаления железатненди, пилетненди и пичемарьхненди. Эряви сявомс мяльс, што срядемда меле идень организмась нинге лама пинге лядонды лафчста и условиятнень аф оцю полафтовомаснон эзда идсь может меки срядькстомс, больницяса лисемдонза меле ийти эряви ладям санаторнай режим.

Идсь, кона срядсь дифтерияса, может улемс бацилланы канникс. Тяфта жа эряй скарлатинать пингстонга. Разницась аныцек сянь эса, што дифтериянь

бацилланы каннись сяда тѣждя содамс, сяс мес дифтериянь возбуждательхне можнат тѣждяста мумс посевонь тиезь.

Скарлатинаса сярдемда меле больницяста саф идсь эряви кирдемс кудса аф 12 шида кржас. Тя пингть идсь аф эряви нолимс лия идень ёткс, должен ярхпамс и симомс башка шаваняста, улемс сончень нардамац и ст. тов.

Итнень, конатнень кудсост кальдяфт эрямань условиятне, больницяса кирнесазь 30—40 шида ламос. Сембе сяка больницяса ламос ащемась аф максы гарантия сянди, што идсь аф бацилланы канни.

Лама урмань пчкафтомс сембода цебярь средстваакс ащихть антибиотикне (пенициллинць, грамицидинть, стрептомицинть): синь кирнесазь урмань срхкафты микропнень касомаснон и лездыхть тюремс бацилланы каннемать каршес. Сембе сяка кургонь оргалемась, нильхкснень вадендемасна, пульверизаторста валондомась нинге не могут марнек урядамс организмать бациллатнень эзда. Нильхкснень навла оболочкаснон эса лама складкада и лотконяда, конатнень эса микропне „кяшендихть“ антибиотическаяй веществатнень действииснон эзда и цебярь условиянь пингста тага раштайхть.

Лечиндамась. Эрь урмать сатфкс мархта лечиндамаса васенце условиякс ащи—режимть ванфтомац. Сярядити эряви урядаф васта, свежай кожф, сетьме и покой. Сярядись шиньберьф эряви симнемс аф лама пингонь ётнезь. Полезнай и цебярь лимон, варенье, марь, клюква мархта танцти чайсь. Сярядись эряви аннемс лофдонь и овощань пищада и макссемс пицась эсь пингстонза и сянть лангс ванозь, мзяра идть кизонза—5—6—сть шити.

Сярядемаць вишке пингстонза идсь аф эряви кошырямс вихца ярхцама. Скарлатинаса сярдемань васень шитнень сембода цебярь андомс идсь лофцта, ямда, ксяльда, компота, овощной пюреда, апак пидек фруктада и кшида. Тяда меле можна макссемс сиволень и калонь пища. Няфттяма фкя шинди примернай меню. Завтраксь: лофца ям, скалвай мархта кши и чай; обедсь: капста лям, ксяль, фруктат; полдневандам: кши или печения, лофца или чай мархта коське кши; ужинць: овощань пюре, кефир, ксяль, компот. Тяда мельдень шитнень пицась можна полафтомс, прибавамс

сиволень катлетат, запеканкат, творожникт. Эряфонь васенпе кизонь сяряди иттне эрявихть андомс стама жа пищада, кодамда и шумбратнень. Аф шуруста иттне, конатнень болницияв путнесазь пяк стакаста сярядиста (мзярда поздна содаф урмась), тяфтама режимонь ванфтомать пингста куроқ пчксихть.

Скарлатинаса тѣждяста и средняяста сярядемать пингста лечиндамась может улемс аньцек режимть ванфтомаса. Стакаста сярядемать пингста новляйхть противотоксический сыворотка и пенициллин. Сывороткаса лечиндаманди туфталкс ащи оцю температурась, ёжефтома ащемась и седить кальдявста работамац. Пенициллин новляйхть нильхкснень пяк сярядемаснон пингста, железатнень таргоземаснон, ёмланякскиге пилеста сыень шудемать и поздний осложнениянь тиевомать пингста (пилень, желзань и лиянь воспалениясь).

Пичемарі хнень сярядемаснон пингста эряви тѣждялгофтомс синь деятельностьсна. Сярядити латцихть сахарнай диѣта (суткати аф 200 граммада кржа сахар и кафтошка стакан ведь). Сярядить состояниянц лангс ванозь, сярядемать сембе пингстонза тейнза максевии сахар.

Сахарнай шитнень ётамдост меле фалу латцихть аф пяк сальяфтф диѣта, коза сувси сяда лама лофцонь и овощань пища и фруктат и прибавакшневи сахар (ксяль, компот, танцти ям).

Нефритть пингста эряви лацкас проверякшнемс, мзяра сярядись симсь жидкостьта и мзяра лиссь эздонза мочада. Кда сярядить убавай мочац, тиеви сяда вялайста и эвондайхть судоргат, то эстокиге сон эряви няфтемс врачти (новляйхть сярядить эзда вер и тейнза новляйхть глюкоза).

Пичемарень воспаления мархта иттне эрявихть лечиндамс больницияса, сяс мес тейст могут тиевомс стака осложненияят (уремия), конатнень эзда могут куломс.

Скарлатинань профилактикась. Заразиндамань сембода оцю источниккс ащи скарлатинаса сярядись, сяс шумбра иттне аф эрявихть ноямс сярядихнень ёткс. Тянди васендакиге может лездомс скарлатинать куроқ содамац и сярядить больницияв путомац. Тядятне-алятне и воспитательхне, найсазь, што идсь ащи вялайста, кальдявста ярхцай, эстокиге сон явфтома коллективть эзда и няфтемс

врачти. Эсь пингстонза идть башка путомац аф нолдасы инфекциять келемома. Васенце признакень (сыпть, ангинаць) нолдамасна аф максыхть врачти возможность эсь пингстонза содамс урмать. Кедень каямась или осложнениятне эвондакшнихть поздна, и тя пингть срядись может урмаськофтомс лия иттенень. Сембода вреднайкс может арамс срядить врачфтома лечиндамац. Сидеста тядятне-алятне сянь вастс, штоба модемс враченди, синць ушедыхть срядити сульфидинонь, стрептоцидонь и лия средствань макссема. Тяка пингть синь аф шарьхкоты сазь, што сембе ня средстватне аф фалу ладяйхть организмати и могут тиемс аф пара лия действият.

Тядятне-алятне должетт мяляфтомс, што педи урмаса срядьткстомань всякай подозрениять пингста тердемок врач, синь тийхть пара аф аныцек эсь идьсоннды, но и лездыхть педи урмать сяда тов аф нолдаманцты.

Штоба аф нолдамс педи урмать сяда тов келеманц срядиди идсь должен пользовандамс башка посудаса, книгаса, налхкшса и ст. тов.

Мзярда аныцек содави, што идсь срядиди скарлатинаса, сон эстокиге эряви прважамс больницяв. Помещениять, коса ульсь срядидись и сонь вещанза эрявихть цебарняста дезинфицировандамс: мебельсь штамс дезинфицирующей растворса; бельёнцты, платьянзонды, налхкшненди эряви тиемс обработка дезинфекционной камератненень эса.

Тядятненень-алятненень эзда урмань педемась. Больницяв эряви каннемс аныцек эрявикс и полезнай продуктат (скал вай, печения, пяк парста штафмарьхть, мандаритт, апельситт, лимотт, вишнят, сливат), аф сложнай налхкшт, строямс кубикт, карандашт, рисовандамс каготт, лувондомс книгат, воздушнай шархт и лият.

Инь цебарь совет, мезяма срядити эряви кандомс, максси лечиндай врачсь.

ВЕТРЯНОЙ ОСПАСЬ

„Ветряной оспа“ тейнза мярьгондихть сяс, мес сон пяк педи и тя урмать пингста эрь сыпонь лисемась шары натуральной оспатненень шири. Ветряной оспаса срядьтксныхть вирусь сюнeda, кона тянемс нинге кода

эряви апак содак. Штоба сярятъкстомс саты аф лама пинге улемс фкя помещенияса сярядить мархта и ёфси аф обязательна, штоба улемс фкя комнатаса. Урмась может педемс кожфть вельде.

Ветряной оспаса иттне сярятъкснихть, аф ваномок синь кизоснон лангс. Сембе сьяка иммунитетть вельде, кона ётни тядять эзда, иттне эсь эряфснон васенце ковснон пингста сярятъкснихть шураста. Иттне, конат веть сярядсть ветряной оспаса, оду синь мархтост аф сярятъкснихть.

Сярядемать молемац. Ветряной оспать пингста инкубационнай периодсь моли 9—21 ши. Тя пингть сярядись эсь прынц марясы цебярьста. Сярядемать ушедомста кой-коста температурась касы 39° модемс. Прять шяярю вастонзон эса и телать лангс эвондайхть путьке лаца сыпь, конат пяхксет валда жидкостьта. Ня путькень перьфке няевихть якстерь оболочкат.

Сяда тов фкя пингоня моли од сыпоть эвондамась и сире путькень коськомасна (путьконясь лопади, и тиеви коськаза кувоня). Тяфта моли несколько ши и сон ащи сыпть вии шинц эзда. Кой-коста сыпсь пяк китни, тя пингть путькень сярядись ангорякшнедые и тядя меле синь сорендакшневихть. Путькть перьфоц пяк якстерьгоды, а путькть вастоц—сыяй. Тя осложнениесь пяк сяряди и беспокоендасы идть.

Ветряной оспась—урмась аф опаснай, кда сонь мархтонза сярятъксты шумбра идсь и моли цебярь условияса (чистайста кирдемс и цебярняста ваномс мельганза). Кда ветряной оспась шовори лия урма мархта (скарлатинать, кшнитнень, коз урмать и лиянь), то сон может кальдявгофтомс основной урмать молеманц и стакалгофтомс сонь: путькне могут сыяйфтомс и тиёмс стака осложнения, кода нарыфт и нльне марнек сярятъкстомс.

Сяс идть больницяв или идень учрежденияв примамстонза лацкас кизефнесазь тядянзон-алянзон, аш ли квартирасост ветряной оспа.

Идсь, кона сярядсь ветряной оспаса, кувонятнень прамдост меле арай аф заразнайкс. Сянь лангс ванозь стакаста или аф стакаста сярядсь идсь, сон заразительнайкс ащи несколько шиста сязовь 2—3 недаялс модемс.

Ветряной оспать профилактикац. Идсь, кона сяряди ветряной оспаса, эряви эстокиге явфтомс

лия шабатнень эзда. Сярятькстомать колга эряви азомс сосеттненди и пачфтемс куля идень учреждениятненди, конатненди якаль урмаськотф идсь и азомс сембе иттненди, конат эряйхть мархтонза фкя квартираса. Квартирать кенкшезонза эряви сёрмадомс, што квартираса ули ветряной оспаса сяряди. Ня условиятнень пингста иттне аф эрявихть нолдамс идень учрежденияв карантинть ётамозонза, и сярятькстомась кармай улема аньцек фкя квартираса. Кда ня требованиятне аф улихть пяшкотьфт, урмась может пяк келемомс.

Ветряной оспасть лечиндамац. Ветряном оспасть пингста телась эряви кирдемс чистайста и аф эряви ангорямс. Кда аф пяк лама сыпта, то синь можнат вадендемс метилгрюкса; кда сыпта пяк лама, то эрявихть тиендемс шобдаза-розовой тюсса марганцевокислай калипнь лямбе ваннаят. Сяда оцюти сиденяста эряви полафнемс бельяц, а ёмла иднятнень кядезост эрявихть щафнемс варяганят (кядь лапатне ашкорямс вата мархта бинтса). Ульцява якамстонза идти аф эряви шашнемс лия иттненди, штоба аф урмаськофтомс синь.

СВИНКАСЬ

Свинкань возбудителькс ащи фильтрующей вируссь. Свинкаса сярятькснихть иттне эста, мзярда эряй марса сярядить мархта.

Свинкать инкубационнай пингоц моли 14 шиста сявомок 21 шис модемс. Сярятькстомать пингста температурась кепси 38—39°. Сяда оцю иттне жаловандайхть, што синь нилемста маряйхть пяк оцю сярядема. Сон тиеви сельгонь железать ётама вастонц сярядеманц эзда. Свинкать пингста таргозихть пиле фталда железатне. Фалу таргозькшни аньцек фкя боксь, кой-коста таргозькшнихть ула алда железатневок. Температурась вишкста прай (3—5 шида меле), сярядись кармай прянц маряма цебярьста, но железатне нинге ащикть таргозьфста. Таргозьфть марнек ётамозонза идсь лувондови заразнайкс и новлямс идень ёткс сон аф эряви.

Свинкась шуроста макси стака осложненият. Синь ёткзост сувсихть: уень оболочкатнень воспалениясна, цёранятнень аляснон воспалениясна и желудочнай жезезатнень воспалениясна, конада меле может улемс лахарнай урма.

Свинкаты профилактикац стама жа, кодама и ветряной оспать.

Свинкась можна лечиндамс лямбоса (грелкат, компресст, припаркат), конат эрявихть путнемс таргозьф железатнень лангс.

ДИЗЕНТЕРИЯСЬ

Дизентериянь возбудителькс ащихть нюръхкяня палкана лаца бактерият. Содаф дизентериянь аф фкя лаца типонь палканяда лама. Синь явошневихть разнай средаса касомаснон коряс, сяряди ломаттнень или иммунизированнай животнайхнень сывороткаснон мархта реакциять особенностензон коряс, токсинть тиевома особенность коряс. Сярядить испражнениянзон эзда сембода сидеста лисендихть Флекснеронь типонь дизентериянь палканят.

Сярятькстомань источниккс ащи острой или хронической формаса сярядись. Дизентериянь микропне ушу лисихть сярядить испражнениянзон мархта. Ушеса синь могут эрямс несколько шинь ётамс.

Дизентерияса может сярятькстомс любовью кизоса ломанць. Сяда тѣждяста сярятькснихть потяй итне, त्याка пингть таза идсь, кона потяй тядянц лофцта, сяда аф курок максы пря урмати, осалть, траксонь лофцта анневить коряс. Сембода курок сярятькснихть ся итне, конатнень андомаснон аф правильнойста ладяманц сюнеда сидеста мушендсыне писькоземась.

Тяфтане, дизентерияса сярятькстомати лезды организмать общей состоянияз, аф правильнойста андомась и желудочно-кишечнай кить работанц коламац.

Заразиндавомс можна пицать вельде, конанди повсть дизентериянь микропт. Микропненди кельгома вастокс ащихть лофцонь продукатне. Пицать заразиндаманц эзда может сярятькстомс лама ломань. Дизентериянь микропнень сембода сидеста продукатненди каннесазь каруфне. Заразиндавомс можна рдазу кяттнень вельде, сембода пяк, кда синь аф штамс венели якамда меле и рдазу нулатнень токсемдост меле. Кой-коста идсь сярятьксни масторга шашнемать эзда. Сембода оцю опасностьс итнень сярятькстомаснонды ся квартиратнень ъса, коса улихть писькози итть, конатнень писькоземасна ащи апак содак дизентериякс.

Дизентериясь аф максы кеме иммунитет и может улемс оду и ётамс хранической формас. Васьфневихть итть, конат ковонь-ков и нльне кизонь-киза страдан-дайхть дизентериять мархта.

Сяда сидеста дизентериясь эряй кизонда, сяс мес псись, пульсь, каруфне, микропнень вишкста рашта-масна лездыхть урмать срафтоманцты. Сембода тѣж-дьяста сярятксныхть иттне, конат срядсть лия урмаса: гриппса, кшниса, коз урмаса.

Кода моли дизентериясь. Дизентериять пингста оцю ломаттнень мушендсыне навла и вер мархта писькозема. Дизентерияся пяк срядемать пингста испражнениятне эряихть сиволень штама ведь лаца; сяда аф пяк вишкста срядемать пингста навлать и испражнениять ёткаса васьфневихть веронь китькскат. Тяда башка, дизентериять пингста эряй стане, што пяк срядиста и мучендазь сембе потмочь таргасы алу—тенезмат.

Идень дизентериять улихть сонцень^о особенностенза. Ёмла иднятнень срядемасна может ушедомс нервнай системать сяряткстоманц, оцю температурать, ёжефто-ма ащемать, судоргатнень, седить работанц кальдяв-годоманц эзда.

Шуроста эряй (4—5-ксть), што срядись венели якай навла мархта. Дизентериянь тя формати мярьгон-дихть токсической. Сон пяк опаснай и аф шуроста эряй, што васенце суткатнень пингстокиге срядись кулы.

Кой-коста идть, конань лувсазь шумбракс, венели молемонза эвондай сянгяряза шову выделения, кона лятьфни ватракшень икра (сянгяря навлать ёткаса улихть выделениянь комоконят), или проста дисептической венели молема: сянгяря, акша комоконят и навла. Аф ваномок ладяф диэтать лангс, венели якамась сидек-стоми. Срядись арай вялайкс, кальдявста кармай ярхцама, тѣждялгоды весоц. Дизентериянь тя формась может молема 3—4 недялят. Идсь осалгоды, лия урмань каршес сонь тюремац лафчемкшни. Тянь сюнеда дизенте-рияти прибавай кучка пилень, тевлавонь воспаления и лият. Эряви лама содамс, лама вий и пинге, штоба таргамс идть всякай осложнениань тя злополучнай кругть эзда.

Ули изречения, што аш урма, а ули сяряди; тя корхтай сянь колга, што всякай урмась максы лама аф фкя лаца формат, сянь лангс ванозь, кодапт сярядить особенностенза, мзяра кизоц, кодама состоянияз, а тяфта жа условиятне, конатнень пингста сярятьксть.

Дизентериянь пяк лама виттнень эзда минь тяза азондсаськ аньцек основной форматнень.

Эряй, што итне дизентерияса сярядихть стане жа, кода и оцю ломаттне: пяк кеподи температурась и пяк сидеста якай венели (20—30-сть суткати) навла и вер мархта, коса испражненият ёфси аш. Эрь испражнениять пингста идсь нежетькшни, сярятьфть эзда юваткшни. Кой-коста испражнениясь эряй шонгар и навла мархта и шуроста лядонды ламос (3—4-ксть шити) веры китькся мархта.

Сембода стака содамс дизентериянь ся формась, мзярда венели якамась кемоста ащи диспептическийк, коса сяда лама навлада. Тядясь арьси, што тя простой диспепсия и враченди аф моли, аф примси эрявикс мерат, и идсь можёт урмаськофтомс перьфканза ащикхнень.

Ков сяда од идсь, ков сяда поздна максф лезкс, тов сяда пелькс теинза тя сярятькстомась. Дизентериять пингста организмась тащойгоды, урмать каршес сонь тюремац лафчеми, и тиеви лама осложнения (сьйса кольгома кармайхть пилетне, тиеви воспаления тевлафненди, лисихть сьияф путькт телать лангс и лият), конат могут арамс идть куломанцты туфталкс.

Ёмла иднятнень дизентерияса вииста сяредемасна сидеста ётни хроническийкс.

Дизентериять эзда пчкама сроксь аф фкя лаца: сярядемать парста молеманц пингста—2—3 недялят, стакаста молеманц пингста—1—1¹/₂ кофт.

Ёфси пчкафокс можна лувомс аньцек эста, мзярда сярядись парста марясы эсь прынц и цебярьста ярхцай, нормальнайста якай венели. Бактериологический исследованиенять пингста дизентериянь палканят аш.

Хронический дизентериякс лувондови стама сярятькстомась, кона моли 2 ковда ламос. Идсь венели якай фалу шонгар и навла мархта, лияста испражнениятне эряйхть шонгар ям лацот. Идсь фалу ярхцай кальдявста, наголь капризничендай, отказакшни, например, лофць эзда, но жаднайста ярхцай салу лямда или селёдкада.

Фалу писькоземать и кальдявста ярхцамать сюнеда идсь осалгоды (дистрофия), лоткай касомда. И сталмос коре, и касомас коре идсь ляды эсь ровесниконзон эзда: тяфта, например, фкя кизонь идсь лангс ваномс кармай улема кота ковопнеть лаца, нльне аф кирди озада.

Хронический дизентериять сяда тѣждя форманц пингста дизентериять эзда венели якамась эряй аньцек пингонь-пингонь, пяк сярядемать пингста, лия пингть идсь царста ярхцай и пцтай аф кири сталмоц.

Хронический дизентериянь кафцьке форматне заразительнайхть: кда эрявикс питательной средань лангс испражненияне каямс, то синь эсост можна мумс дизентериянь палканят.

Дизентериять каршес тюремась. Дизентериянь аф нолдама мероприятиякс васендакиге ащи кудть уряднайста кирдемац и каруфнень фалу машфнемасна. Тянкса панжада вальмятне эрявихть вельхтыамс марляса или повфнемс тейст сѣконякс керсеф кагод. Вальмя рамаатне и клянецкне эрявихть шовсемс ДДТ-са, кq-натнень эзда каруфне кулсихть. Фалу эрявихть машфнемс карувонь раштама васттне, мезенкса перьфпяльсь эряви кирдемс чистайста, вельхнемс помойнай яматнень, мусоронь ящикнень и эсь пингстост урятцемс синь. Комнатав аф эрявихть кадондомс паморькст, и сембе продуктатне эрявихть лацкас вельхнемс. Идти пицца эряви макссемс свежай, пидемдонза меле эстокиге; кстыхне и фруктатне эрявихть васенда цебярняста шнимс кельме ведьса, а сяльде валондомс лакай ведьса. Чистайняста шнимс кяттне и сембода пяк цебярняста шнимс синь идень нулатнень полафтомдост и венели якамда меле, сяс мес дизентериянь палканят могут улемс нльне ся ломатнень эса, конат эсь пряснон лувондсаз шумбракс.

Дизентериять каршес тюремаса пяк оцю значенияц сярятькстомать эсь пингстонза содаманц и сярядить больницяв путоманц.

Урмать цебярьста содамс лездыхть ломанть испражнениянза и лабораторияса дополнительной исследованияне, конатнень тиёмс эряви 2—3 шит. Идсь, кона сярятькстсь писькоземаса и тя квартираса улихть писькоземаса сярядемань лия случайхть, эряви арьсемс,

што тя дизентерия, и сярядись эряви куроcone путемс больницяв. Кда писькоземась тиевсь аф правильнойста андомать эзда и аш кодамовок туфтал лувомс дизентериякс, то сярядись можна кадомс кудса урмать лацкас содамозонза, но сембе сяка эрявихть ванфтомс сембе правилатне, кода дизентериять пингста.

Сярядись эряви аннемс башка посудаста, кирдемс венели якамс вельхкс мархта сяканы. Испражнениятне эрявихть валондомс хлористай известьса или хлораминца и аньцек кафта частта тяда меле ёрямс уборнай. Нулатне эрявихть валондомс хлораминца баконяса и обязательна лакафтомс.

Идсь эряви кирдемс кроватькаса, алонза ацамс клеёнка и мзрдонга аф эряви нолямс мастору. Клеёнкась эряви шнимс сапонь мархта пси ведьса.

Дизентериянь специфическяй профилактикакс ащи ся, што фалу эряви примсемс бактериофаг. Бактериофаг эряви макссемс шумбра иттннди 3 ковань возрастта сявомок 3 кизозост модемс тунда и кизоньберьф 5—10 шинь ётазь. Бактериофагсь машфтсыне дизентериянь микропнень, конат повсть сюлотннди. Сонь макссесазь ярхцамда инголе содань раствор мархта 2—3 чайнай куцюнянь.

Сяда оцю иттннди бактериофагсь можна макссемс таблеткаса. Фагированиять тиендьсазь консультациясы сестратне.

Дизентериять лечиндамац. Дизентериять лечиндакшнесазь сульфамиднай препаратса (сульфидин, сульфазол и лият), конат лоткафнесазь дизентериянь микропнень и бактериофагть работаснон. Сембода оцю значения кирди диэтакс. Сярядити эряви макссемс сембе ширде цебярь, тёждя пища, конань эса аш грубай и раздражающей веществав.

Токсическяй стака случайхнень пингста сувафнихть дизентериять каршес тюреманы сыворотка.

Эсь пингстонза ушетф и марнек ётафтф лечиндамась может доткафтомс дизентериять хроническяй формас ётаманц. Сяс, кодак идсь кармай писькозема, эстокиге эряви сон няфттемс враченди.

Сульфамиднай препаратне эрявихть макссемс аньцек врачть мярьгоманц коряс сяс, мес, кда аф соласак мзяра максомс (врачть апак кизефтть) синь аф кармайхть ащема дизентериянь бациллатнень каршес тюремакс.

1870 11.11.11 2 1/2 1/2

СОДЕРЖАНИЕ

	<i>стр.</i>
Авторы езды	2
Введения	3
Педи урматненъ колга понятия	4
Дифтерия	10
Сывороточнай урмась	15
Коз уриа	16
Кшни урмась (корсь)	23
Краснухась	31
Скарлатина	32
Ветряной оспась	39
Свинка	41
Дизентерия	42


09 1952 г.
Лит № 645

ИНВ. № 4760

Редактор *К. Самородов.*
Техредактор *М. Попова.* Корректор *А. Малаева.*

Сдано в набор 16/XI-1951 г. Подписано к печати 12/XII 1951 г.
Ю04284. Бумага 84×108¹/₃₂. Печат. лист. 2,46, автор. лист. 2,4.
Тираж 3000 экз. Заказ № 2747

Типография „Красный Октябрь“ Полиграфиздата при Совете
Министров Мордовской АССР, г. Саранск, Московская, 115.



Питнец 1 цал. 25 гр.

18595

Морд.М.

21449

Проф. А. И. ДОБРОХОТОВА

Детские заразные
болезни

На мордовском-мокша языке.